

四庫全書

經部

欽定四庫全書

經部
待軒詩記卷二

詳校官監察御史_臣曹錫寶

通政使司副使_臣莫瞻菴覆勘

總校官進士_臣朱鈴

校對官中書_臣潘庭筠

謄錄監生_臣李鍾岳

欽定四庫全書

待軒詩記卷二

國風

鄘

柏舟

序衛共

恭姜自誓也

續序

釐侯世子共伯蚤死其妻共姜守義父母欲奪而嫁之誓

而弗許故作是詩以絕之釐侯一作僖侯頃侯之子共伯名餘諡共共姜齊武公之女

明張次仲撰

汎彼柏舟

叶刀與
毛爲韻

在彼中河

音

彼兩髦

音

實維我儀

叶牛何反
與河爲韻

之死矢靡它

他石經作
它音拖

母也天只

音紙
下同

不諒

人只

興也柏堅實而在中河以興志節之堅而無他思
按共姜未嫁而世子歿以死自誓必有哭臨之禮

故渡河之衛齊地之西以河爲境而衛居河之西共
姜歸齊則常乘舟渡河而去故卽此以起興古之幼
學稱髦士猶今云垂髻也髦髮垂至肩也在兩肩之
上曰兩髦禮男子冠而後娶共伯兩髦故知共姜未
嫁或以兩髦爲自毀其容不事膏沐之意然彼我二
字分有所指當以共伯爲正儀匹也我儀我之匹配
言非他人之配也安得以死而有他念乎實字不可
忽謂一日之訂百年之約也單呼母字者父尊而母
親女子朝夕相依者惟母與男子不同諒信也不諒
疑其不能堅守也思不深者其不相信無恠母乃我

之天何亦不諒
我乃驚疑之詞

汎彼柏舟在彼河側髣彼兩髦實維我特

母與髦叶
側與特叶

之

死矢靡慝

音忒

母也天只不諒人只

在彼河側則抵岸矣
特獨也從一而終故

稱夫曰特慝邪之陸于心者靡他猶顯靡慝則更微
矣朱康流曰古人用字常多反語如謂治爲亂馴爲
擾潔爲汙始爲落香爲臭理爲逆匹爲特是也六書
之外別出一義古今人所未講 史記世家衛釐侯
卒太子共伯餘立共伯弟和攻共伯於墓上共伯入
釐侯羨自殺羨音延墓道也呂伯恭曰和卽武公也
衛武公在位五十五年國語稱武公年九十有五猶
歲儼于國計其初卽位其虛益已四十餘矣使果戕
共伯而篡立則共伯見戕之時其齒又長于武公安
得謂之早死乎髦者子事父母之飾諸侯沒既殯則

脫之史記謂登侯已葬而共伯自殺則是時共伯既脫髦矣詩安得猶謂髦彼兩髦乎是共伯未嘗有見殺之事武公未嘗有篡弑之惡也衛人稱衛武爲睿聖武公奪嫡弑兄之事不足信

牆有茨

序衛人刺其上也

續序公子頑通于君母國人疾之

蓋其事不可道而其疾惡之心則可尚所以示懲創也公子頑字昭伯宣公之庶長宣公卒時惠公年

十五矣君母惠公之母宣

姜卽宣公所紉假之妾

牆有茨不可埽

撫后撫戶二反

也中葍

溝去聲

之言不可道

他口動五

反也所可道也言之醜

如字又醜呂反

也

興也牆者垣墉之總名茨蒺藜布地蔓生

子有三角刺人，可以覆屋，獲牆人之有牆，以蔽惡也。
厚茨猶恐不密，況可埽而去之乎？以比國醜，不可宣。
揚宜爲掩蓋也。中冓，閨內隱奧之處。
中冓之言，猶云閨門內事，道言也。

牆有茨，不可襄也。中冓之言，不可詳也。所可詳也，言之。

長也。

襄，除也。詳，盡言之也。言之長者，不欲言而託以語長，難竟也。

牆有茨，不可束也。中冓之言，不可讀也。所可讀也，言之。

辱也。

束，縛之而去，讀誦言之也。辱，汚其口也。周禮凡男女陰訟，聽于亡國之社，掩其上而履其下，使不

宣露。故曰不可道，不可詳，不可讀。

楊敬仲曰：自古淫

亂之君，自謂閨閤之中，世無得而知者，故宣淫不止。不知無微不彰，無隱不著，匹夫匹婦會于牆陰，明日已有言之者，可不畏哉！

君子偕老

序刺衛夫人也

通篇皆隱語緩詞但中有子之不淑一句刺意自見夫人惠公母宣姜

君子偕老副

覆笄

雞音

六

玼音

加叶

委

威音

委

佗

駝音

佗

如山

如河象服是宜

牛何反

予之不淑云如之何

賦也君子宣公也偕老言

偕生而偕死此一句正指宣姜若曰之人也是君子之所偕老者可不自愛乎副者夫人之首飾毛傳謂編髮爲之假作紒形加于首上則編也非副也副以覆首遺象若步搖服之以從祭祀笄若今之簪橫挿于副所以固髮六玼以玉加于笄其數有六也委委佗佗雍容自得之貌如山如河坐如山行如水也象服卽下章翟也鳥羽不可加于服刻繒以象之故謂之象且稱也必有如山如河之度而後與象服相宜

今宣姜所爲不善將如之何問之使自愧也子指宣姜此章與下章皆以祭服爲言見夫人承宗祧之重

不可輕

能放達

玼

此音

兮玼兮其之翟

音

也鬢

音

髮

如雲不屑鬢

音

也王之填

音

也象之拂

音

也

揚且

音

之皙

音

也

胡然而天也胡然而帝也

玼

顏色鮮明貌其謂宣姜翟雉名翟羽不可加于衣刻繒

爲翟而彩畫之故名衣爲翟鬢髮黑髮也如雲長而

美也屑卽不屑教之屑鬢卽今之髮謂我自有如雲

之髮不必假他人之髮以爲髮也填所以塞耳以玉

爲之拂所以摘髮以象爲之此六句言其服飾之美

揚且句言其容貌之佳揚且二字解者俱勉強穿鑿

意當時有此人而以色著者如子都之類耳故一則

日揚且之皙再則曰揚且之類皙白也言其如揚且之白也胡然而天胡然而帝言其服飾容貌之盛見之者驚猶鬼神也

瑳

七我反

兮瑳兮其之展

張連反

也蒙彼綯

音綯

綯

音純

經作純音屑

祥音煩汾沿反

也子之清揚揚且之類也展如之人

兮邦之媛

音媛

也

上言玼類色鮮明此言瑳說文謂玉色鮮白益就鮮明中形容其蘊藉如玉也

周禮六服中有展衣其之展與上章其之翟相對展衣后妃以禮見君及見賓客之服丹縠爲之蒙覆也綯葛之細者細而威嚴有綯文爲綯綯卽周禮之素紗蒙彼綯綯者以素紗爲裏服而以展衣覆其上也綯綯夏服當暑服綯綯以見君及賓則褻故加展衣于上以示敬束單舉綯綯意作詩時當夏日也說文

絕繫也束縛之意祥衣無色也朴素之意言宣姜衣服雅素無心炫飾而其目清秀其省開爽美如揚且非他人可及真一國之絕色故曰邦之媛展誠也美女爲媛此章極摹其服飾容貌之美蓋言其瑜而瑕自見徐儼弦曰夫人入奉宗廟則有副有翟出見賓客則有展有蒙非不尊且敬也而宣姜果可對先君見賓客而無愧否呂伯恭曰云如之何問之也胡然而天恠之也展如之人惜之也詩志莊姜之賢既棄于夫又絕其嗣宣姜之淫既有賢子又多淑女造物之不均往往如是悲夫宣公納子伋之妻是爲宣姜生公子壽及惠公朔宣公卒庶子頑烝之生齊子戴公中文公燬宋桓夫人許穆夫人

桑中

序刺奔也

宣公上僖父妾下奪子姉宣姜既以子姉而爲舅之配復以繼母而爲子之室生子

則正位東宮生女則連姻與國禮義廉恥漸滅殆盡
淫風所播非獨蚩氓有質絲之行卽在位士族互相
奔誘了不爲惟詩人鋪張揚厲以明其可醜正是提
醒良心之處故原采詩者之意而謂之刺也細味刺
字非大刀闊斧橫衝直斫乃袖中匕首出其不意中
其心膂故刺詩以嬉笑爲怒罵以歌咏爲痛哭呂
伯恭曰桑中溱洧諸篇幾于勸矣夫子取之何也曰
詩之體不同有直刺之者新臺之類是也有微諷之
者偕老之類是也有鋪陳其事不
加一詞而刺意自見者此類是也

爰采唐矣沫

音妹

之鄉矣云誰之思美

从羊从大俗从火卽羔字

孟姜

矣期我乎桑中

涉良反

要

平聲

我乎上宮

俱王反

送我乎淇之

上

辰陽反

矣

賦也爰語詞唐兔絲又名女蘿無根而生隨物而附有苟合之象沫紉都尚書明大命于

妹邦卽此所謂朝歌之北也邑名朝歌頗淵不舍七十弟子掩目不顧今爲河南衛輝府淇縣淇水名出沮洳山至朝歌入河水上上有上宮臺孟長女姜齊姓期相訂也要約結也謂盟誓之事淇解見北風泉水

爰采麥

訖力反

矣沫之北矣云誰之思美孟弋矣期我乎

桑中要我乎上宮送我乎淇之上矣

麥秋不收冬不藏三時在外謂之宿

麥有奔之象弋女姓春秋定姒公穀作定弋弋如同一姓蓋杞女夏后氏之後詩按此詩一期一要一

送繾綣淫褻處盡在不言中故三章皆用之不更一字

爰采葑矣沫之東矣云誰之思美孟庸矣期我乎桑中

要我乎上宮送我乎淇之上矣

葑解見邶谷風取遺下體賤且褻也卿本庸姓

之國衛州新鄉東南有廊城姜弋庸皆著姓蘓子由曰判無禮則稱孟言雖長而忘禮也美有禮則稱李曰有齊季女言雖幼而知好禮也此詩三章歷數三姓見風俗淫奔世家大族皆不以為醜自鄉而北自北而東言淫風以漸而遠晦菴據禮記桑間濮上之語謂桑間卽此篇夫桑間與桑中不同淇上與濮上不同詩與音不同焉得以此詩卽爲樂記所錄考史記紂使師延作新聲武王伐紂師延抱樂器投濮水而死後師涓從衛靈公過濮上夜聞水中音樂因駕之爲晉平公奏焉師曠撫之曰此亡國之音得此必于桑間濮上乎孔疏濮水之地有地名桑間濮水今在山東東昌府濮州淇水在今河南衛輝府淇縣兩不相涉左傳巫臣聘夏姬于鄭盦室以行申叔跪遇之曰異哉夫子有三軍之懼而又有桑中之喜宜將竊妻以迎者也其引詩與序合馬端臨曰左傳季札來聘請觀周樂而所歌者邶鄘衛皆在焉

使其爲里巷狹邪所用則周樂安得有之而魯之樂工亦安肯歌異國淫邪之詩乎蓋夫人之爲惡也禁之使不得爲不若愧之使自知其不可爲此鋪張揚厲之中所以爲閔惜懲創之至也

鷦奔

序刺衛宣姜也

鷽

純之奔奔鷽之彊彊人之無良我以為兄

虛王反
興也鷽鷽

鷽性淳小草橫前卽旋行避礙奔奔鬬也怒亂其匹鷽性剛傳枝受卵不淫其匹彊彊剛也凡女兒卽娣也此娣刺宣姜之詞言禽鳥之不若

鷽之彊彊鷽之奔奔

卑眠反

人之無良我以為君

姑元反
君女

君女謂夫之嫡妻曰女君此姜刺宣姜之詞范氏
曰宣姜之惡不可勝道也國人疾而刺之或遠言焉
或切言焉遠言之者君子偕老是也切言之者鷄之
奔奔是也衛詩至此人道盡天理滅矣左傳鄭伯
享晉趙孟伯有賦鷄之奔奔趙孟曰牀第之
言不踰閭况在野乎非使人之所得聞也

定之方中

序美衛文公也

續序衛爲狄所滅東徙渡河野處漕邑齊桓公攘狄人而封之文公徙居

楚丘建城市而營宮室百姓說之國家殷富文公名燬昭伯頑之子戴公申弟卽宣姜與頑通而生者

定

音訂

之方中作于楚宮揆

癸癸反

之以日

叶熟反

作于楚室

樹之榛栗椅桐梓漆爰伐琴瑟

賦也

首章言其建國之事定營室星也考星

者必于南方方中在午位也作宮室皆以營室昏中
爲正建亥之月定星方中北與極星相直正農隙之
時可興營建者也楚宮楚室猶言楚丘之宮室揆度
也樹八尺之臬而度日出入之景以定東西又參日
中之景以正南北宮室作之皆于定揆之俱以日詩
人錯言以協韻耳候定星以順天時也揆日景以
審地勢也蓋營建大務不稽天時則殘創之民不堪
供非時之役不審地勢則苟且之規不足垂久遠之
計考索致日法夏至日在東井而北近極星故日
晷短則立八尺之表而景一尺五寸八分冬至日在
牽牛而南遠極星則日晷長故立八尺之表而景長
一丈三尺春分日在婁秋分日在角去極中而晷中
故立八尺之表而景長七尺三寸六分椿栗二果
供饋籩之寶椅桐梓漆四木供琴瑟之用陳氏賜曰
桐之爲木其質則柔其心則虛椅之爲木其實則梓
其表則桐古之爲琴瑟必以桐其唇必以梓則椅桐

梓皆琴瑟良材而漆之爲物所以固而飾之者也語云一年之計樹穀十年之計樹木樹木者求用于十年之後其不求近功可知矣何黃如日上考唐虞定星以戌月昏中歲久而差至周時定星以亥月昏中下逮今日此星又以子月昏中矣杜注楚丘在濟陰武城縣西南濟陰今兗州府曹州曹縣

升彼虛

音祛又

矣以望楚

叶初又

矣望楚與堂景山與

京

叶

降觀于桑卜云其吉終然

焉毛鄭石

允臧

次章追述相土

度地之初升虛以領畧其大勢降觀以細察其土宜也大丘曰虛虛漕墟也楚卽楚丘傅氏賁云堂當是博州堂邑卽今東昌府九域志開德有景山卽今大名府開州地京高丘也墟言其大京言其高登高而望見桑林茂盛之地知爲豐壤蓋桑最宜肥土桑盛則地美可知降頂上升字來升望降觀人謀盡矣

更卜之于神卜者云吉神謀協矣山勢勝土脉美人謀盡神謀從永終之善可知徙居之謀于是定矣

靈雨既零

叶

命彼倌

音

人

叶

星言夙駕說

音

于桑田匪

稅

直也人秉心塞淵騷

音

牝三千

上言

遷居此言遷居後之

杜詩

好雨知時節應

事

時而雨曰靈大歲禮八月零粟零落也倌人主駕者雨止星見戴星而駕不敢怠也言語詞夙早說舍也桑田

即上章降觀之處說于桑田以勸農也塞不虛浮淵不淺露焉七尺曰騷禮不用牝而言騷牝者牝利生駒言

牝而其牝可見彼時銜之遺民渡河野處未有恒業故文公因時雨之降夙駕稅田以勸相其事為民人根本

之計然不獨人事也騷牝三千亦秉心塞淵所至秉心塞故事事樸實未尚粉飾之文秉心淵故事事深長不

為淺近之計富強之業非輕浮淺薄者所能致也唐士雅曰人主一心萬事根本故其務營建者此心勤農

桑者此心善畜牧者此心本其始遷之慎事事不苟遂
以成霸庶之效此所謂終焉允臧者也劉公瑾曰左
傳文公元年革車三十乘季年乃三百乘詩言終焉允
臧昧北三千則是詩蓋作於文公之季年而追言其始
遷時耳故二章以前皆本其始二章以後則要其終也
嚴坦叔曰自鄆之會齊桓始霸惠王嗣服王室多故
于是楚丘封衛而霸強矣世道一變也考諸春秋文
公之在衛也于齊則忘桓公之德而伐其喪于邢則棄
同姓之親而滅其國楚子執宋公而不能膺天王出居
鄆而不能救無乃晚節不終與朱康流曰晦翁以前
無不信小序者自晦翁之集傳出而小序廢矣其間即
稍稍異同大都致疑于淫風耳嘉靖初有偽為子貢傳
及申培詩說乃盡更其舊而變亂之最異者以魯頌為
魯風而取鷓鴣諸詩以冠其首更以定之方中為僖公
之詩而題之曰楚宮于是豐白菴稱引地理以楚與堂
在今曹與魚臺兩縣皆為魯地楚宮者即春秋襄公三

十一年所書公薨于楚宮者也季彭山亦以春秋書城楚丘不言城衛以內詞書之益魯自城也不知春秋書諸侯城緣陵城虎牢皆不書其國又何疑于楚丘所疑者惟不書諸侯為異則後此襄五年之戍陳十年之戍鄭虎牢亦與諸侯同事而不書諸侯公羊氏曰不書諸侯雖至不可得序也比事而觀其義可覩矣戎狄亂華兄弟急難即其境內而遷之固尊王之事不得謂之專封施者受者俱無不題此春秋之所與而詩之所以頌美也若魯自城春秋所書多矣孰非備冠何獨咏此惟明乎春秋之義而此詩之義不待辨矣地名之或同或異又不待辨矣

蝮螭

序止奔也

續序衛文公能以道化民
淫奔之人國人不齒也

蝮

音帝丁
計反

螭

音同都
動反

在東莫之敢指女子有行遠

去聲父

母兄弟

叶子 興也 蝮螻虹也 天地之淫氣陰陽不和 昏姻失序卽生此氣在東暮虹也 虹隨日所映

故朝在西而暮在東莫敢指者是惡其淫而不敢指也 女子有行遠父母兄弟女子當別嫌明微雖至親猶自遠別所當慎也 天之淫氣人猶惡之而不敢指女子乃遠父母兄弟而行豈可不顧此而妄奔乎 韓詩傳蝮螻在東邪色乘陽人君淫佚之徵臣子爲君隱藏故言莫之敢指

朝濟

子西子

于西崇朝其雨

如字又羽孰反

女子有行遠兄弟

父母

叶滿補罪姆二反 虹氣上升也 崇朝終朝也 從旦至食時爲終朝

濟于西陽感陰也 陽倡而陰從之 故崇朝而雨此陰陽之相應也 女子遠兄弟父母而行此誰爲感而應

之乎 徐玄扈曰 女子有行二句是覺之以大禮動之以至情蓋淫奔之人非無良心以情欲之勝耳故

以此喚醒之 馮嗣宗曰鄭箋解崇朝其雨云朝有
升氣于西方終其朝則雨應朱傳云方雨虹見則雨
終朝而止二說相反據王厯通政經旦見于西則爲
雨暮見于東則雨止旦見于西而純赤者爲大雨暮
見于東而色黃者則雨止虹俗謂之蜺音侯諺
云東蜺日頭西蜺雨虹在東則晴在西則雨

乃如之人也懷昏姻也大無信

斯人切

也不知命

彌井切

也

賦也上二章猶屬譏刺此則肆口詬詈序所謂止奔
者正在此乃如二字從上文來蜺蜺尚不敢指乃斯
人全無顧忌蜺蜺尚有所感乃斯人恣淫妄行娶婦
以昏故曰昏婦因夫而成故曰姻懷者知此而不知
有他也自守己之貞言則曰信自天理之正言則曰
命禮坊記曰刑以坊淫命以坊欲人動于欲則不可
過念及于命則福善禍淫有凜凜不敢犯者故以命
醒之令息其狂心也 郝仲興曰春秋之時裂衣裳

爲毛羽貶人類爲禽獸娼優下賤羞爲之事王公薦紳冒昧嘗試而不恥與人善易室而處與人不善殺之而分其室君淫臣婦于其家卿大夫要察友之妻于路縱夫人宣淫于境外率將士班處于人宮甚者如衛子頑之妻其母宋襄姬之通其孫齊諸兒之淫女弟楚熊比之奪子婦甚則又爲婁豬求父蝦豈不哉異

相鼠

序刺無禮也

按夷姜見豕于衛宣及衛宣要奪子婦失寵自縊詩人快其死又恨其晚故賦

相鼠

相鼠有皮人而無儀人而無儀不死何爲

興也左傳有儀可象謂之

儀人無威儀則衣冠掃地軀設徒存雖不死亦有何
用以人與鼠對醜之也 相鼠卽拱鼠見人交其前

足拱而如揖乃鼠入空穴太原大同延綏及沙漠諸
地俱有闕尹子曰聖人師拱鼠而制禮韓昌黎詩禮

鼠拱而立 孫炎云相地名

地里志相州與河南相隣

相鼠有齒人而無止人而無止不死何俟

羽已反 上曰齒下曰牙

儀是舉止動作可觀止是謙抑退避之意
意不死何俟言此不死更待何時乎

相鼠有體人而無禮人而無禮胡不遄

市專反 死小禮反 釋名

體第也骨肉毛血表裏大小相次第也遄速也此詩
以速死鞭策蓋非獨爲夷姜一人咏也淫亂之俗陷
溺已久不如是痛懲不能提醒蓋亦亂國用重之意
嚴坦叔曰舊說鼠尚有皮人而無儀則鼠之不若以

人之儀喻鼠之皮非也言鼠止有皮人何可以無儀人而無儀則鼠之不若矣凡獸皆有皮齒體獨言鼠者舉卑污瑣屑之物以惡人之無禮也晏子春秋曰景公飲酒酣曰今日酒酣請無爲禮晏子改容曰君言過矣夫齊五尺之童子力皆過嬰又能勝君然而不敗亂者畏禮也上無禮無以使其下下無禮無以事其上夫麋鹿雉無禮故父子同麋人所以貴于禽獸者以有禮也

干旄

序美好善也

毛詩序曰衛文公之詩也

子

吉音

子于旄

毛音

在浚

音

之郊素絲紕

音

避之良馬四之彼

姝

音

者子何以畀

音

秘从可

之

子子千旌

余音

在浚之都素絲組

祖音

之良馬五之彼姝者

子何以予之

子子千旌在浚之城素絲祝之良馬六之彼姝者子何

以告

音之

賦也子子特出之貌于旌于旌千旌蓋分言谷之以協韻其實皆旌也鳥隼爲旌謂畫鳥隼

以爲旗之飾以其注旌于千首謂之千旌以其注旌于千首謂之千旌浚衛邑邑外曰郊城郭之域曰

都趙岐曰邑有先君之廟曰都城都城也素絲以絲之未染者爲御馬之轡紕織也禮內則注條之闕而

薄者爲組鄭箋祝當作屬附著也衛君好賢以禮徵聘賢者賢者來自他國衛臣聞其至而爭覲之故建

旌往就于郊者良馬有四往候于都者有加焉往迎于城者有加焉自四而五而六猶言四革五革六革

耳一車止可四馬無一車而五馬六馬之說妹美也
字从女乃女子之美稱而之以稱賢者蓋賢士必待
聘而起猶處女不輕出也畀付也與謂親授之告謂
啓示之此詩自郊而都而城遠以漸而近也自四而
五而六車馬以漸而盛也自畀而與而告期望以漸
而切也何以云者蓋下賢之興曠闕已久在詩人亦
出其不意以爲不知何等陳說方可報稱殊遇蓋經
綸之蘊非淺近所能窺廟堂之制非草野所與聞爲
下賢者贊嘆非爲賢者尚度也旄牛名出甘肅臨
洮及西南徼外尾大如斗極自愛草木鉤之輒止不
動古人取爲旌旄猶今之幢也浚水
經注及通典皆謂在濮州濮陽縣

載馳

序許穆夫人作也

續序因宗國顛覆自傷不能救也
左傳狄伐衛戰于癸澤衛師敗

績遂滅衛宋桓公逆諸河立戴公以廬于漕許穆夫人賦載馳此詩常在定之方中前許子爵姜姓四

岳伯夷之後今韻
州許昌縣是也

載馳載驅

祛尤反

歸唁

音現

衛侯驅馬悠悠言至于漕

祖侯反

大夫跋涉

盤入聲又反

我心則憂

賦也此出而在道時事載發語詞走馬謂之

馳策馬謂之馳弔失國謂之唁衛侯謂戴公申卽許

穆夫人兄也悠悠遠而未至之貌欲至之心急則愈

覺其難也時戴公廬漕故曰至漕言者心口自語之

謂大夫許之大夫草行曰跋涉水行曰涉大夫跋涉而

來夫人知其必將以不可歸之義來告故心以爲憂

按說者以此詩非實事不過意中擬議之語此因

禮諸侯夫人父母終則不歸寧而爲之說耳夫當變

事者不可諭以安理經絕痛者不可責以平心國破

君亡兄弟之讐不反兵而鬪豈可以常理論乎且下
曰既不我嘉曰視爾不臧皆覩面質對之語豈可以
子虛烏
有論也

既不我嘉不能旋反視爾不臧我思不遠既不我嘉不

能旋濟視爾不臧我思不閔

音秘 此大夫追及時事
既者承上起下之語嘉

善也不我嘉言許大夫不以我歸爲善旋還也以夫
人歸衛言反覆也以衛侯復國言爾指許大夫臧謂
有救援之善不臧謂無同仇共忿之心遠謂遠于道
理不遠謂爲父兄報仇無有差忒濟謂事成閔謂幽
深不閔謂明目張膽爲宗國
報讐非有曖昧不可告人者

陟彼阿丘

祛其反

言采其蟲

謨郎反

女子善懷

虎隈反

亦各有

行叶許人尤之衆穉且狂

此歸許在道時事 阿丘丘之有阿者蟲貝母能治胸中

愁鬱善多也卽漢志岸善崩之善行道也尤責也唁衛不遂則憂思情切鬱結之疾成矣故或登高以舒之采蘋以療之也人見我之愁鬱以爲此女子常事不知女子多思亦各有道常論其是否不得一槩以爲不足問也許人之尤非徒以父母既歿禮絕歸寧實以衛國破亡狄勢猖獗恐禍之及已故曰衆穉且狂貪生怕死是童穉之見縱狄忘讐是病狂之人

我行其野芄

蒲紅符雄二反

芄其麥

訖力反

控空去聲

于大邦誰因

誰極大夫君子

慈叶

無我有尤

盈之反又如字

百爾所思

新喬反

不

如我所之

如字又叶周秋閏公二年冬十二月

此將至許而自傷之詞 狄入衛是去歲之冬

今行野而麥芄芄然盛乃入夏之時已四閱月矣尚未聞隣邦救恤茲欲求援大邦必有所因然後克濟不知將誰爲因緣將何所至極乎極至也國語齊朝駕而夕極于魯國卽此極字尤根上文尤字來上言許人大槩言之此言大夫君子責在位者百爾所思當時夫人旣不得歸衆人必爲曲處如遣人以往唁衛侯遣使以赴告他邦之類但爾輩百般圖度究亦無濟于衛不如我歸衛以爲興復之圖也味詩詞想見其欲歸不得欲救不能煩悶難堪皇迫無聊之意其後齊桓公卒救衛而存之然後信夫人所思不謬而許人真狂穉無謀矣朱晦菴曰聖人列泉水于前所以著禮之經列載馳于後所以盡禮之變 蕪子由曰列國之詩皆以世爲先後今載馳之詩曰言至于漕戴公之詩也而列于文公之下王之免爰桓王之詩也而列于平王之上鄭之清人文公之詩也而列于莊昭之間皆非孔氏之舊也蓋傳者失之矣

衛

淇輿

序美武公之德也

孔叢子載孔子曰于淇澳見學之可以爲君子也武公名和釐侯

子國語公年九十有五猶箴儆于國曰自卿以下至于師長士苟在朝者無謂我老耄而舍我必恪恭于朝以交戒我徐幹謂此詩之作當在武公年九十作抑戒之後

瞻彼淇輿

音郁

綠竹猗猗

音伊

阿猗

有匪君子如切如磋

七何反

如琢如磨

音摩

瑟兮僩兮

閑上聲

又

瑟兮赫兮

况晚反

有匪

君子終不可諼

音喧况

兮

興也先言進德之功次言德

容之感人

淇水名解見泉

水厓內近水爲奧河朔無竹淇奧獨產言武公特稟
異氣而生江道竹賦含虛中以象道體圓質以儀天
竹之爲物似有道者故以竹起興猗猗言其態也匪
文章貌治骨曰切治角曰磋治玉曰琢治石曰磨瑟
不粗疎閒不懈弛赫氣象充盛恒英華發越謏忘也
終不可謏言到底如此所以終不可忘此詩皆就成
德後序述故首章末章以四如言次
章以服飾言總是狀其有匪之象

瞻彼淇奧綠竹青青有匪君子充耳琇

音有又
音秀

瑩

音英

會

弁如星瑟兮僭兮赫兮咺兮有匪君子終不可謏兮

音青

言其色詩人瞻望丰儀肅然起敬故就服飾之崇嚴
以形容之上章切磋琢磨之功于斯益見充耳以纁
懸填垂于耳旁所以養聰琇玉名瑩鮮潔也周禮弁
師職諸侯玉瑱則琇爲玉可知毛傳謂天子以玉諸

侯以石不知何據弁皮弁白虎通弁之爲言樊持髮也會弁中之縫合皮爲弁故云會皮弁縫中結玉爲飾如星言其明也

瞻彼淇興綠竹如簣

音責

有匪君子如金如錫如圭如璧

寬兮綽兮猗重較

立用

兮善戲謔兮不爲虐兮

如簣言其盛簣牀棧

竹之疎密得宜似之金錫謂鍛鍊之精純圭璧謂生質之溫潤金錫皆金也金至精而剛錫則金之柔者此言其能剛能柔也圭璧皆玉也圭有角而方璧則玉之圓者此言其能方能圓也寬綽從容不迫之貌猗倚也登車而倚較易于於嚴者也公則寬綽其容戲謔譚笑詼諧之謂惟而戲謔易生陵侮者也公則以禮自持此言其和敬遜施寬嚴互見也楊用修曰詩話云車廣六尺四寸深四尺軾去輿高三尺三

寸較去軾又高二尺二寸較軾通高五尺五寸蓋古人乘車立乘非如今人之坐也故乘車平常則憑較若應爲敬則落手憑下式而頤得俯較在軾上若兩較然故曰重較丁氏奉曰武公淇澳抑賓筵三詩合觀之賓筵作于始抑作于中淇澳作于終武公壯年以其寬綽戲謔之性而不免于酒過故始有賓筵之悔既悔之後乃作抑以自戒故其賦于國曰苟在朝者無謂我老耄而舍我則已當九十有五之際矣于是而德器成就如金錫圭爵故國人要其終以贊之而淇澳作焉若以不可護一語味之則恐作于既後之

考槃

序刺莊公也

賢者長往不返則其君可知矣孔叢子載孔子曰吾于考槃見邈世之士無悶

于世也 莊公
名揚武公和子

考槃

音盤在澗

經天切

碩人之寬

澗寬爲一韻寬从山从音
綿文覆深屋也从覓覓音

桓覓从草从
見又加一點

獨寐寤言永矢弗諼

音喧言諼
爲一韻

考槃在阿碩人之適

音科

獨寐寤言歌水矢弗過

音戈

考槃在陸碩人之軸

音逐

獨寐寤宿永矢弗告

音谷

賦也考擊也

槃木器

扣之以節歌如鼓盆拊缶之類山夾水曰澗

曲陵曰阿高平曰陸碩大也寬屋寬大也蒹葭草軸

車輪也想其地兩山夾水其上有陸其旁有阿足供

棲遲而此隱者又好事有意趣之人故依山附水隨

處結構爲盤桓之地于澗曰寬猶今之水閣于陵曰

蒹猶今之茅屋于陸曰軸卽小車以代步者寐卧也

自言曰言寐覺而有言曰寤言言而又歌歌而又宿
無往而非獨亦無獨而非樂也永長天誓也謾舊解
爲忘說又云託也長久誓願如此非敢有託而然所
以自表其素心也夫不用于朝而自放于山水非有
真樂不能然舉世貪鄙而以此語之則駭且疑故詩
人獨于寤寐之間永矢弗諼而已弗過者不復他往
如龐德公居峴山未嘗入城府弗告者謂付理亂于
不聞絕不諱及世事玩永矢字是有志于天下而坎
軻不遇如千鈞之弩一發不中便摧挫折牙永息機
用非真以山水爲樂也黃才伯曰記云事君者量而
後入碩人列于解優之流邦桀事
于執父之賤考桀君于其量之矣

碩人

序閔莊姜也

左傳謂莊姜美而無子國人賦碩人蓋
莊姜見棄之後國人追其初歸之盛以

寓慨嘆

列女傳

此莊姜傳母所作

碩人其碩

音祈

衣聲

錦褰

音頤

衣齊

侯之子

衛侯之妻

東宮

之妹邢

音形

侯之姨

譚公維

私

賦也此言親戚之盛

人尊貴之稱

頤長貌

五色

碩

絲色織之

爲錦

作用功

多價重

如金

故从金

褰褱

褱

單衣也

以穀爲之

加于錦

衣之上

言其不事

炫飾

東

宮

太子所居

故稱太子爲東宮

齊太子

所居

故稱太子爲東宮

齊太子名得

臣女

子

後生曰

妹東宮之妹

明與太子同母

邢周公之後

侯

爵妻之姊妹

曰姨

譚贏姓子

爵春秋有譚子伯子男

在本國臣稱其君曰公

姊妹之間互相稱其夫曰私

謂兄弟之中此人與己姊妹有恩私也

諸侯則尊同

故歷言族類之貴

以見其爲正嫡小

君所宜親厚而重嘆莊公之昏惑也

陸贄齊曰衣

錦一句乃全篇大旨

言莊姜雖以世族之貴容貌之

貴容貌之

貴容貌之

美而深自韜晦不事炫露則其無側媚之容而有幽閒貞靜之德可知矣 鄒肇敏曰漢儒謂禮惟嫁長女餘皆爲媵然碩人旣爲衛侯妻而邢諱之夫人又皆其姊妹行也亦足證漢儒之誕妄 邢在魚臺縣齊武平初掘古墓得銅鼎腹有科斗字云邢侯夫人姜氏墓諱在山東歷城縣

手如柔荑

音題

膚如凝脂領如蝤

音蝤

蛸

音曹

齊

音齊

齒

如

鉈

音互

分

犀螭

音泰

首蛾眉

巧笑倩

音茜

兮

美目

盼

音盼

齊

音齊

齒

如

鉈

音互

分

諫

石經作盼

膚

二反

分

分

分

分

分

此言容貌之好 茅始生曰荑手之柔白似之膏之凝者曰脂膚之膩潤似之領項也蝤蛸螭名白而長故以况莊姜之項凡人頸短則醜蝤蛸中子言其方正潔白而比次整齊也螭小蟬蟬額廣而方蛾螭蛾蛾眉細而長倩美也若草木之蔥倩盼白黑分明也莊姜容美所宜觀敬爲何而不得意于莊公乎

碩人教

音翹从士从攷

教說

音稅

于農郊四牡有驕

音跳

朱幘

音焚 鑣

鑣

音翟 茀

音弗

以朝

音潮

大夫夙退無使君勞

此追序嫁時人情顯望君

與夫人相親情景

教教舒徐之意稅止舍也農郊

郊名驕壯貌馬六尺爲驕鑣馬口旁鐵也朱幘鑣之

飾以朱幘纓其鑣也每馬之飾皆有朱色之飾故曰

鑣鑣茀車蔽也婦人乘車不露車之前後以翟羽爲

飾而蔽之取飾于翟者以其交有時別有倫守死而

不犯分被文以相質也禮君日出視朝退適路寢聽

政使人視大夫大夫退然後釋服國人樂得夫人以

爲君配又鄭重大婚之禮故謂大夫之在公者宜早

退無使吾君勞倦于政事而于禮文有闕非所以重

大昏也總之人情惟欣皆樂得之以爲國母如此

河水洋洋北流活

音括

活施眾

音孤

濺濺

叶呼

鱣鱣

音蒲

鮪鮪

音委 撥

撥

發發石經
作撥撥

葭音加莢

聲榻上

揭

音

揭庶姜孽

業音孽

庶士有

竭

音挈

此言齊之富強卽來塗所見以起興
齊西衛東自齊適衛河界其中北流入海洋洋盛大

貌活活水流聲魚鱣謂之畧歲歲畧入水聲也鱣鱣
魚鱣鱣魚鱣形似龍銳頭上背下腹皆有甲大者千
餘斤鱣形似鱣而色黑頭小而尖似鐵兜鍪口在額
下大者不過七八尺今混稱鱣鱣非也發發魚著網
而掉其尾也卽鱣鱣而鮮物之盛可知葭葦之未秀
者莢莢之初生者揭揭長也卽葭莢而植物之盛可
知庶姜嫄娣孽孽衆多也庶士齊大夫送女者竭武
壯也曰有者庶士不盡武其中有之也賦詩至無使
君勞已情竭語盡復殿以河水一章似屬無爲不知
詩之意趣正在于此言河水盛大生物繁殖夫人父
母之國極其饒洽從行士女又極俊好今河水如昨
庶姜庶士猶在而莊姜獨不得其所豈不可嘆
徐

左彪曰春秋時嫁娶大都倚大國爲重如鄭忽不娶齊女竟以失國至其子之廢立亦視母家之強弱故言齊國之大見莊公之宜親厚也輔漢卿曰觀邶風燕燕等篇則莊姜之德行文章皆未易及而此詩不言蓋就世俗所易見以寄其感慨彌見莊公之昏惑

田亡
經文亦同

序刺時也

閨閣之間有此謳歌當日之風俗可知故曰刺時讀祇詩者皆責其婦而不責其

夫不知夫之罪浮于婦也誰爲謀之誰爲棄之乎

田亡
音之蚩

音

蚩抱布貿

音

絲匪來貿絲來卽我謀

切

謨悲

送子涉淇至于頓丘

祛其反

匪我愆期子無良媒將子無

怨秋以爲期

賦也此詩前二章皆男女相從之詞後四章皆女見棄而自悔之詞

此與氓同氓

字從亡從氏乃流徙之氏蓋棄其本土而淫于外州者蚩蚩蟲也言其蠢動無知如蟲之集聚布麻布古時未有木棉以麻爲布賈交易也卽就也曰來卽我謀曰匪我愆期是婦與氓宿有成言至此托言賈絲復來訂期非漫不相知唐突挑達者淇水名頓丘地名合二姓婚姻之人謂之媒將字鄭箋作請便是死句蓋揣度女子意中之語若相知若不相知醜藉有味古者仲春令會男女以秋爲期亦見其非正頓丘在大名府清豐縣西南水經注淇水北逕頓丘縣故城西故曰送子涉淇至于頓丘

乘彼坵

音癸其幾切

垣以望復關

圭立反

不見復關泣涕漣

音連

漣既見復關載笑載言爾卜爾筮

市制反

體無咎言以

爾車來以我賄

呼罪反

遷

此至秋而訂奔期也

乘登也

闕名氓所居之地借地名以寄其所思也連連涕出接續之貌龜曰卜著曰筮體謂卜之兆體筮之卦體無咎吉也賄財也此四句正其笑而所告之言事屬淫奔恐變生意外故須決諸卜筮三番四覆不便輕介始謀非不慎矣而誰料有今日悔恨之根在此復闕在北直大名府開州

桑之未落其葉

葉石經作葉

沃若于

音下同

嗟鳩兮無食桑甚

音甚

于嗟女兮無與士耽

音僊

士之耽兮猶可說也女

之耽兮不可說也

凡而興也此泛論人情以起下章意沃若潤澤也喻客色濃麗鳩鵲鳩

似山鵲而小短尾青黑色多聲甚桑果耽樂說解也以言語分解鳩食桑甚過多則醉女愛男子不思後

患譬如鳩之愛甚過則爲患士有百行可以功過相
補婦無外事唯以貞信爲節易虎視眈眈注眈下
而專也眈于酒卽濡首不知眈于色卽亡身不顧

桑之落矣其黃而隕

叶云

自我徂爾三歲食貧淇水湯

商音

湯漸

音

炎車帷裳女也不爽士貳其行

去聲

士也罔極二三

其德

此言色衰愛弛而悔其有初鮮終也

已色衰徂往也到爾之家也三歲食貧則所遷之

隕落也喻

賄亦已告之矣游蕩之于焉能克守湯湯水盛貌漸
浸也帷裳以帷障車旁如裳也二句或謂初嫁之時
或謂見棄而歸與上下文義俱不決洽益水三歲食
貧句言家事日壞如水之浸淫日甚一日乃比體也
不爽始終一心貳行始終相背罔極亦根食貧來言
女不以食貧易節而士以食貧改操所謂罔極也罔

極謂不可測識二三其德正是罔極處嚴坦叔曰罔極爲無窮之意善惡皆可言之魏園有桃謂士也罔極爲志念無窮極蓼莪昊天罔極爲父母之德無窮極青蠅讒人罔極柔柔氏之罔極與此士也罔極皆爲反覆
無窮極

三歲爲婦靡室勞矣夙興夜寐靡有朝矣言旣遂矣至

于暴矣兄弟不知咥

戲音

其笑矣靜言思之躬自悼矣

賦也

上叙爲婦之勞下言見棄之苦靡室勞矣言室中一無所有拮据營求受盡勞苦靡有朝言無一日不然自甘勤勞而不惜如此言旣遂矣至于暴矣言我非有他罪不過口語直遂不能婉轉以致暴怒獲罪耳蓋亦食貧怨尤所致兄弟不知我以言語獲罪但謂我爲氓所誘而笑矣咥笑貌靜言思之始只一念

之差悔將何及但躬自悼
痛耳何可歸咎于兄弟哉

及爾偕老老使我怨淇則有岸

魚戰反

隰則有泮

音畔匹見反

總角之宴言笑晏晏信誓旦

都眷反

旦不思其反

字絢反

反

是不思亦已焉哉

叶資此言始之不慎悔無及矣及與也始將與女偕老今老而反使

我怨岸水涯而高隰阪下濕也泮阪也淇隰皆有涯
岸見物極必反之意言事必有到頭處總角結髮也
男女未冠笄結其髮爲兩角此女齒未笄而奔也總
角之宴宴飲也晏晏之晏暮也晏晏旦旦猶云暮暮
朝朝信誓誓不相忘言總角時夜夜歡笑朝朝信誓
何曾思量到反覆田地向來不思今則無如之何矣
故曰亦已焉哉玩詩辭絕無屏出棄絕之語如谷
風所云薄送我畿者晦菴謂淫婦爲人所棄幾成十

古疑獄不知此婦求良媒指卜筮何有禮也又曰無
與士耽女也不爽何其貞也獨蚤蚤之氓始圖婉嬖
并利婦資強爲言笑假立信誓遂致爾悼爾思淇水
亦爲之一笑是淫在士不在婦故曰士貳其行至此
始悔其不思不已晚哉盛世態無常人情反覆雖以
禮合者亦多如此何況蚤蚤之輩按臣于君猶婦
之于夫也始合以正猶凶終隙末但在我不自銜自
媒從他達求進則浮沉離合總無愧于心耳若乞墻
錯穴爲儀秦之所不爲則不待疏遠已無從施面目
矣聖人錄此詩正欲爲人臣爲人友者讀其詩惕然
內省知懼愛之無常道義之可久以冰雪
自勵非獨爲其情辭凄婉有風騷之致也

竹竿

序衛女思歸也

履坦叔曰婦人以夫爲歸者也衛女
既嫁而思衛國之樂益于異國不得

其所則思

故鄉也

籊

音

籊竹竿以釣于淇豈不爾思遠莫致

父久不之

賦也

籊籊長而殺也致使之至也思在衛時兒童漁釣之樂今以路遠難欲致此竹竿而不可得也北方無竹

衛獨有之歟

致思於此

泉源在左淇水在右

上聲

女子有行遠兄弟父母

父母兄弟毛鄭

石經俱作兄弟父母

泉卽衛州共城之百泉在衛

之西北東南流而入淇故曰在左淇水出相州林慮

縣在衛之西南東流與泉源合故曰在右左右主山

而言衛之山東面故以北爲左南爲右言二水在衛

左右不離而我獨遠兄弟父母曾二水之

不如也九域志大名府莘縣有泉源河

淇水在石泉源在左

詩毛反

巧笑之瑳

音

佩玉之儺

儺平聲瑳白

色笑而露其齒之白也儺褻儺也此言在家時與女伴游衍之樂嘆今之不能如昨也

淇水滌

音

滌檜楫松舟駕言出遊以寫我憂

滌水流貌檜水名柏

葉松身卽禹貢所謂枯也楫所以行舟者駕駕舟也水流如昨舟楫無恙駕之出遊足以寫憂顧安可得乎再三極言衛國之樂則知其有不樂于此矣

芄蘭

序刺惠公也

惠公卽位齊人使昭伯遜于宣姜惠公縱之而不能禁其無知可知惠公朔

宣公晉之子卽位時年十五六昭伯卽公子碩惠公之庶兄宣公之庶長子

芄

音九

蘭之支童子

佩觿

音哇

雖則佩觿能不我知容兮遂

兮垂帶悸

音忌其季反下同

兮

芄蘭之菜

葉石經作菜

童子佩

觿

觿音攝石經作觿

雖則佩觿能不

我甲容兮遂兮垂帶悸兮

興也芄蘭草名叢生似蘭而莖圓名芄蘭支即葉也芄蘭

生莖支出于葉間垂之如佩觿之狀葉如佩觿之狀其質輕揚故爲不能自立者之比觿如錐以象骨爲之所以解結觿射玦也挾矢時著右手大指所以鈎弦能治煩決亂者佩觿能射御者佩觿童子而佩觿童子而佩觿知其不相稱也故即接云雖則佩觿能不我知雖則佩觿能不我甲能不我甲言其材能未必長于我也客即從容之客遂即直遂之遂皆傲惰之象悸

心動也言彼之舉動雖雍容直遂但恐垂帶之長蹕而顛仆未免心動也蓋利其德不稱服事出意外不能自安之象禮童子不垂帶走則擁之有事則收之惠公十五六不得稱童子既已卽位佩觿佩縣亦不爲僭詩人蓋譏其德不稱服爲一國之主而有童心難以居上臨下耳後竟失國出己故夫子錄此詩以爲年少卽位者之戒

河廣

序宋襄公母歸于衛思而不止故作是詩也

襄公父桓公其

母爲桓夫人衛戴公文公之妹也爲桓公所出故歸于衛

誰謂河廣一葦

音

杭之誰謂宋遠

音

跂予望

武方

之

賦也

蘆之初生名葦長大則名葦杭渡也跋舉踵也脚根不著地之貌一望便見言甚近也

誰謂河廣曾不容刀誰謂宋遠曾不崇朝

小船名刀以其形如刀也

公羊傳不崇朝而徧雨于天下何注崇重也不崇朝言一朝也但言非河之廣而不可渡非宋之遠而不可至以極其情思而終不明言義之不得任意味深長風人之致也嚴坦叔曰衛都朝歌在河北宋都睢

音雖陽在河南自衛適宋必涉河自魯閔二年狄入衛之後戴公始渡河而南此詩言誰謂河廣則是作于衛未遯之前矣時桓公猶在襄公爲世子衛戴文俱未立也鄭箋謂襄公卽位夫人思之而作此詩誤矣何黃如曰桓姬旣爲桓所出及衛有難戴公廬于漕實賴桓之力事理殆不可晚豈亦以襄公之故與呂伯恭曰說苑云宋襄公爲太子請于桓公曰請使目夷立公曰何故對曰臣之舅在衛愛臣若終

立則不可以往不曰欲見母而曰欲見舅者恐傷其父之意也母之慈予之孝皆止于義而不敢過焉不幸處父母之變者可以愧矣范氏曰夫人之不在義也天下豈有無母之人歟有千乘之國而不得養其母則人之不卒也爲襄公者將若之何生則致其孝沒則盡其禮而已衛有婦人之詩自共姜至于襄公之母六人焉皆止於禮義而不敢過也夫以衛之政教淫僻風俗蕩敗然而女子猶知有禮而畏義者習俗之不能移人如此

伯兮

序刺時也

袁氏仁曰伯兮何以爲刺時也曰平五年蔡人衛人陳人從王伐鄭此役王爲主故

不言刺衛而曰刺時朱康流曰鄭箋云宣公之時蔡衛陳從王伐鄭春秋所書從王惟此而已豈宜以是

爲刺所刺者王政不綱諸侯犯上將有喪敗之辱政
托于閔思至痛心疾首而不能忍置也其雨其雨杲
杲日出言旱災也春秋伐鄭之下卽書大雩書螽可
證洪範咎徵曰狂恒雨若曰僭恒暘若蓋上多驕恣
則下多愁怨而恒雨之罰應之上多過差則下多亢
逆而恒暘之罰應之故五行傳以恒雨爲伏戎之兆
恒暘爲失衆之占當是時鄭未有罪于王王易其田
又奪其政此鄭之滋不服也又輕身以伐之卒致撓
敗而王命自此遂不復行于天下此春秋
之一變旱災所自來也故序謂之刺時

伯兮

喁喁兮邦之桀兮伯也執殳

音殊市朱反

爲王前驅

賦也首章敘其夫從役之事後皆極道思念之情
伯君子也喁武勇貌桀卽豪傑之傑殳長丈二而無
刃以邦傑而執殳
前驅失其職矣

自伯之東首如飛蓬豈無膏沐誰適

音滴都歷反

爲容

衛鄭在

西南而言東者時蔡衡陳三國從王先至東周而後
伐鄭也飛蓬言髮之亂膏以澤髮沐以去垢女爲悅
己者容適主也伯既東誰爲
我主而尚以膏沐修容乎

其雨其雨杲

音蒙古老反

杲出日

叶熱

願言思伯甘心首疾

也興

其者冀其將然之詞杲明也此通篇皆賦忽掉其雨
二語蓋卽時事以起興時事如此則思伯之中便含
無窮憂慮首疾其
小者也故曰甘心

焉

音煙

得諼

音萱

草言樹之背

音佩

願言思伯使我心悔

音悔

賦

也諼忘也背北堂也背南向北故謂之背焉得諼草
乃詩人極言其情因欲暫忘其思而不可得故設言

焉得忘憂之草庶幾漠然無思耳然世豈有此物哉
說者因萱音與諼同遂命萱爲忘憂之草嵇叔夜養
生論合惟闕念萱草忘憂皆因解詩者之言而誤之
耳痲病也病從憂得憂以思生病在憂在憂在思在
我之心痲正是一往之思成難治之病寧使我病以
留其思故曰願言思伯使我心痲 范淳夫曰兵者
毒民于死地者也故聖王重之如不得已而行則告
以歸期閔其勤勞哀傷慘怛若身受其痛者是以詩
人美之則言其君上之閔恤刺之則錄
其室家之怨思以爲人情不出乎此也

有狐

序刺時事也

此詩在伯兮之後蓋衛人從王伐鄭更歷歲時伊婦在家憂其無衣而作也

有狐綏綏

音雖

綏綏在彼淇梁心之憂矣之子無裳

興也綏綏毛盛而萎

麤之貌淇解見邶風泉水石絕水曰梁之子謂其夫也裳下飾蓋見狐之擁毛自暖因而念其夫也

有狐綏綏在彼淇厲心之憂矣之子無帶

丁計反 片高處曰厲帶

所以束衣首章言裳此章言帶由淺而之深由下而向上也

有狐綏綏在彼淇側心之憂矣之子無服

蒲北反 上衣下曰裳

通言之曰服無服則不但無裳無帶而已甚言狐之不如也狐性多疑河水合時聽冰下水無聲乃行自梁而厲而側去水漸遠蓋天愈寒則狐愈不敢涉也

木瓜

序美齊桓公也

結序衛國有狄人之貳出處于漕齊桓公救而封之遺之車馬器服衛人

思之欲厚報之而作是詩也 歸季思曰衛之與國
姜爲異姓乃存亡之義不出于諸姬而出于姜氏詩
人所以思桓公也 孔疏狄之敗衛立戴公以廬于
漕齊桓公使公子無虧帥車三百乘甲士三千人以
戍漕歸公乘馬祭服等物戴公卒文公立
齊桓公又城楚丘以封之與之繫馬三百

投我以木瓜

攻乎反

報之以瓊琚

音居

匪報也永以爲好

報呼

反下
同也

投我以木桃報之以瓊瑤

餘招切

匪報也永以爲好也

投我以木李報之以瓊玖

音几苟起反

匪報也永以爲好也

此也投者以物相遺之謂瓜有不徒桃有羊桃李有
雀李皆草本蔓生故言木瓜木桃木李以別之瓊玉

之美者琚佩之下垂者如圭而正方在珩璜之中以
玉爲之謂之瓊琚璠璵與玖皆琚也許氏以玖爲黑玉
則璠乃白玉也鄭端簡曰木瓜木桃木李一也今
人有以木爲果者酒榼之中皆用之蓋無用之物此
詩言人以無用之物與我我尚思厚報况齊有大造
于我乎木瓜猶言土飯嚴坦叔曰人方危亡因急
之中有能惠顧之者其感必倍齊桓有存亡之功衛
深德之故因其車馬器服之遺而述其欲報之厚言
我衛人當爲狄所滅之時但有遺我以木瓜微物者
猶當報之瓊琚且曰此非足爲報欲以結好于永久
况齊桓之贈遺如此其厚則報之當何如此感其救
患之恩設爲木瓜瓊不等之喻非以尋常施報論也
朱晦菴曰凡報人之德而曰報之如是足矣則報者
之情倦而施者之德忘惟其歉然若未有以報之則
報者之情施者之德兩無窮也報德易永好難報
而不永猶不報也齊桓存衛衛國忘恩桓覺衛人求

五公子之亂而伐其喪所謂報者安在哉 朱晦菴
謂此男女相贈答之詞黃葵峯曰解經固難解詩經
尤難蓋詩發乎性情人之性情固有身相與處而未
能悉其底裏者况古今相去以意逆之安能一一盡
得其旨哉蓋詩人之意有因事而賦者事在辭外有
託物而興者興在物外有因物而比者意在言表今
徒揣其辭似贈答語類私情地是鄭衛樂以有心求
之謂是淫詩夫之遠矣 凌濛初曰美桓詩夫子錄
于衛風之終王風之前正以見齊有霸業而後
中國始知有王與微管仲吾其被髮左袵同意

王

王謂東都洛邑召公所營謂之王城在豫州太華外
方之間驪山之難平王東遷于此卽今河南河南府
鄭諸王室旣卑與諸侯無異故貶爲變風當日張逸
駁之曰厲王流于彘幽王城于戲其詩反列于雅者
何也焦弱侯曰風之與雅體製不同其聲風卽二南
亦系之風其聲雅卽正月亦系之雅不以此爲升降

也王伯厚曰范甯穀梁傳序云孔子既太師正雅頌
因魯史修春秋列黍離于國風齊王德于邦君明其
不能復雅政化不足以被羣后也然考之左傳襄公
二十九年季札適魯觀周樂樂工已爲之歌王矣孔
子至哀公十一年始自衛反魯然後樂正雅頌各得
其所則王之爲國風非自孔子始也李氏曰黍離
以下諸詩皆平王之詩也安得云詩亡所謂詩亡者
雅頌之詩亡也胡庭芳曰衛有狄難未幾復振周
有大戎之禍遂致陵夷
王之次衛其以此歟

黍離

序閔宗室也

續序周大夫行役至于宗周見宗廟宮
室盡爲禾黍閔周室之顛覆徬徨不忍

去而作
是詩

彼黍離離彼稷之苗

叶眉鹿切从田不从而由

行邁靡靡中心搖搖

叶夷周切知我者謂我心憂不知我者謂我何求悠悠蒼天

如字又此何人

叶然又哉

言彼者見涵目傷心無處非

興而賦也

彼指宗廟社稷連

荒涼地面稷與黍一類二種粘者爲黍不粘者爲稷
稷可作飯黍可釀酒猶稻之有粳與糯也離麗也離
離衆黍分布相附著也草之初生曰苗邁遠也靡靡
猶遲遲也彷彿不進之狀搖搖心憂無所附著也路
遠足倦心如懸旌亦苦之極矣知我不知我意中擬
議之詞究竟皆不知我者耳見其遲回不去故曰謂
我何求蓋以離黍爲固然不復知爲何地矣于是呼
天而訴之曰所以致此者何人哉不思斥言益指平
王也讀之想見其頓足拊膺聲淚俱下之象說文
黍木屬而黏者以大暑種故謂之黍稷百穀之長乃

今之探也 箕子稱紂校童則以諸父自尊也周大夫稱君何人則以臣諱君也古人于破亡怨懟之餘

猶慎重名

分若此

彼黍離離彼稷之穗

音遂

行邁靡靡中心如醉知我者謂

我心憂不知我者謂我何求悠悠蒼天此何人哉

穗秀也吐

華而始成斗甲可以得寶也
醉昏沉不醒若無力自立也

彼黍離離彼稷之實

於悲反

行邁靡靡中心如噎

音謁

知我

者謂我心憂不知我者謂我何求悠悠蒼天此何人哉

實穗而堅也噎食物不化也苗穗實益以苗之搖曳
興搖搖以穗之下垂興如醉以實之堅滿興如噎若

以自苗而穗而實爲行役之久則不應于黍止言離
離也徐敞弦曰詳玩本文不見一宗周字亦不及
一宗廟宮室字只感黍離而興歌以爲此何地也而
有是哉昔非黍也而今見黍之離矣昔非稷也而今
見稷之苗矣我行脂此能不足遲遲而心搖搖乎惟
不著一語道破則言外有無限感慨而於謂我心憂
謂我何求處自有含蓄不失詩人渾厚之意按武
王作邑于鎬京謂之宗周是爲西都成王在豐欲宅
維邑使召公先相宅以庶殷攻位于洛汭在澗水東
澗水西既成謂之王城今河南是也是爲東都召公
既相宅周公又再卜澗水東以居殷頑民謂之成周
今維陽是也是爲下都已而成王遷九鼎于維邑而
復歸處西都至十一世幽王嬖褒姒生伯服廢中后
太子宜臼奔申中侯與犬戎攻宗周而殺幽王于戲
晉文侯鄭武公迎宜臼于申而立之是爲平王以亂
故徙居東都王城及秦襄公興兵討西戎救周乃以

岐豐之地賜之秦遂有西都宗周畿內八百里之地
自平王東遷之後凡稱西周者指豐鎬也稱東周者
指東都也及威烈王而後東都下都又分二周所謂
西周則東都河南也所謂東周則下都維陽也維即
洛字燕子瞻曰周之失計無有過于東遷者昔楚
聽薦賈不遷而楚始大晉聽王導不遷而晉即安平
王之初周雖不如楚之強猶愈于東晉之微弱乎王
有一王導定不遷之計收豐鎬遺民修文武成康之
政以形勢臨東諸侯齊晉未敢貳也而秦何自霸哉
王元美曰世儒多咎平王不宜以岐周之地與秦竊
謂不然夫犬戎之力足以弑幽王取宗周則亦非一
二諸侯所能制也且召犬戎者申侯也立平王者申
侯也平王能背申侯以令諸侯乎申侯能率諸侯以
攻犬戎乎惟犬戎與秦爲世讐而地又相近故不得
不賜之岐西而與之誓曰能逐犬戎卽有其地是藉
手于秦以報其讐而償利于秦以動其心地之與秦

猶愈于與戎平王
此舉未爲失也

君子于役

序刺平王也

戎役音妻之所作

君子于役不知其期曷至哉雞棲音栖于埘音時日之夕矣

羊牛下來

叶黎

君子于役如之何勿思

叶西 賦也君子婦人稱其夫也于

往也役謂行役不知其期不知何時可以竣事曷至哉恐調發無恒并所至之處亦不能知也棲鳥宿也水鳥曰宿陸鳥曰棲寒鄉鑿牆成穴爲雞作棲曰埘日之夕矣一句闌上下兩語雞棲于埘則爲日之夕日既夕則羊牛下來見有出卽有入有旦卽有暮而欲付萍踪飄泊杳無歸期之人于不思如之何而能

不思也

君子于役不日不月曷其有佸

反 戶 括

雞棲于桀日之夕

矣牛羊下括君子于役苟無饑渴

不日不月言日不成其爲日月不成其爲

月謂已往之時不可問也佸會也曷其有佸言如之何而一會謂來會之時不可知也時從土是墻穴桀從木是橫木短楸之類括至也前云下來尚在路間此云下括則已到家矣苟且也言不望如何好處且無饑渴庶後歸有期古人曰萬里之外以身爲本埤雅羊性畏露晚出早歸嘗先于牛政首章曰羊牛者言其歸之先後也二章曰牛羊者紀其類之大小也 沈仲容曰文武盛世采薇杖杜皆有勞詩四牡之使曾幾何時勞之曰周道倭遲吉甫在鎬不過千里勞之曰我行永久君使臣以禮當如是也先王以

人道使人今以牛羊使人而羊牛之歸猶有其
期君子行役反無常度何使人不若牛羊哉

君子陽陽

序閔周也

詩曰樂序曰閔者蓋君子而以執簋執觶
爲樂其中必有大不得已者是孰使之哉

故曰
閔周

君子陽陽左執篴

音黃

右招我由房其樂

音洛

只

音止

且

音旨

賦

也此章以聲言下章以容言

君子謂不仕而隱於
伶官者陽陽自得之狀陰氣愁慘陽氣舒暢故云陽

陽君子貢不仕憂全身自樂居亂世之狀如此篴笙
管中之金薄鏐鏐音葉吹之鼓動而聲出黃不可執

以協韻故不言執篴而言執黃招舉手招也由從也
官室之制中央正室左右爲房房皆無間之所我者

君子之友自謂益招我從彼于房以聽也其樂只且
伶官自言其樂言伶官之樂則仕宦之苦可知矣只

且助

辭

君子陶

音

遙陶左執翽

音

眺右招我由教

音

遠其樂只且

陶陶和樂

貌陶化土爲器盡情消融君子幽閒之態陶融殆虛
襟懷洒落故云陶陶翽舞者所持之纛教舞者所立
之位招我由教招我從彼于教以觀也錢氏曰教游
也因謂遊處爲教猶周禮云圃游也因謂游處爲圃
謝君直曰周季之君子進不能捐軀以報國退不
能潔身以全道呼倚引類仕爲伶官陽陽得志而意
滿君子果當如是耶世道交喪爲
君子者如此周轍何時而西乎

揚之水

序刺平王也

刺其忘親事讐蓋自平昔怨父一念所致也魯申公曰荆子討申侯弑幽王之

罪伐申侵甫及許平王遣兵戍之周人怨思而作竹書平王三十三年楚人侵申三十六年王人戍申史

記平王十九年遣

畿內之民戍申

揚之水不流束薪彼其

音

之子不與我戍

音如又人又戈以人荷戈

而戍也

申懷

胡威反

哉懷哉曷月予還

音旋歸哉

興而比也揚之水一

見于此再見于鄭三見于唐想晉鄭間有所謂揚之水故三詩皆稱之束薪本易流也揚之水不能流之喻諸侯非難令也東周衰弱不能號令天下彼其者外之之詞之子謂侯國之當戍者戍謂屯兵以守懷哉懷哉言思念不一而足也天子號令不行彼侯國之人不與我戍申而使畿內之民戍之久而不歸故

怨思無窮予戍者自謂曷月予還歸不知何月是予歸期也太欲刺平王而歸罪侯國不忍斥言之也

邴仲與曰周制王室有難諸侯之師戍之侯國有難方伯連率救之天子者制命者耳未有違畿內之民下戍侯國者也申侯召大戎弑幽王滅宗周平王平昔怨父遂忘殺父之讐而懷立己之德人倫滅矣詩人不忍斥言託揚之水以比其衰微蓋是時周室播遷非有餘勇可賈特以受人施者畏人欲不爲之役不可得耳寄生之天子既不能令于諸侯六百里之甸卒又無人可爲踐更故行者有不均之嘆荀師出有名如夏少康一成一旅人誰敢謂揚之水哉按左傳襄二十九年晉女叔侯曰虞虢焦滑揚韓魏皆姬姓也晉是以大則揚古國名昭二

十二年劉子奔揚杜注以爲周邑

揚之水不流束楚彼其之子不與我戍甫懷哉懷哉曷

月予還歸哉

揚之水不流束蒲

頌五反

彼其之子不與我戍許懷哉懷

哉曷月予還歸哉

楚卽言刈其楚之楚薪中之錯雜而長者蒲水草質性輕浮始言薪又言

楚言蒲則愈輕矣而不能流言弱之甚也申呂許皆姜姓括地志申在今河南南陽縣北呂在今南陽縣西呂卽甫也唐世系表言宣王時改呂爲甫尚書有呂刑之篇禮記引之皆作甫刑許今開封府許州竹書幽王旣戕立宜白于申許男與焉則平王之德甫許不戕于申也

中谷有推

序閔周也

范淳夫曰讀詩者于一物失所而知王政之虐一女仇離而知人民之困

中谷有推

音推吐雷反

曠

音漢

其乾

音干

矣有女仳離

音居

離

口愛反

其嘆

音灘

矣嘒其嘆矣遇人之艱難矣

興也

此詩蓋以歲旱草枯興饑年之

憔悴蕭索無潤澤氣象水注川曰谿注谿曰谷推蓋母草曠早燥也此別也近曰離遠曰別嘒嘆聲人謂

其夫艱難窮困也

舊以推宜生高蔭在谷中則傷于水非也推性宜濕生在谷中未為失所也今曠燥

雖在中谷者亦失其性故以為憔悴之喻有女仳離非婦人自道乃旁觀之語遇人艱難謂見棄者非夫

之得已特以饑饉不能相養耳

中谷有推曠其脩

叶叔

矣有女仳離條其猷

音肅

矣條其猷

矣遇人之不淑矣

脩草之長茂者稍耐旱而亦為所曠則早之甚也條猶長也長吟曰猷人

謂居官者不淑
謂無惻隱之心

中谷有推暎其濕矣有女仳離音輟張其泣矣音反啜其

泣矣何嗟及矣

旱則先燥其乾者既而長者亦燥旱久則生于濕者亦不能免比饑饉則貧者

先悴既而粗給者亦貧饑久則富者亦不能免矣啜其泣謂飲泣何嗟及矣言事已至此無可如何也

免爰

序閔周也

續序桓王失信諸侯背叛搆怨連禍王師傷敗君子不樂其生焉左傳隱三年鄭

武公莊公爲平王卿士王貳于虢鄭伯怨王王曰無之周鄭交質桓王卽位將畀虢公政鄭祭足帥師取溫之麥秋又取成周之禾桓五年王奪鄭伯政鄭伯不朝王以諸侯伐鄭鄭伯禦之戰于緡葛王卒大敗

祝勝射王中肩嚴坦叔曰春秋之例王師不書此綿
葛之戰書三國從王伐鄭蓋伐鄭不服也王卒既敗
自是王命
不行矣

有兔爰爰雉離于羅我生之初尚無爲吾木切我生之後

逢此百罹尚寐無吽音訕比也兇性狡而善走雉性
介而喜幽爰爰舒徐也離麗羅烏

罟也我生之初詩家俯仰感慨之辭不必實指何時
尚底幾也無爲謂無許多變故罹憂吽動也動則有
禍故無吽然亦何能無吽也馮時可曰所謂陰狡
得脫者指列國之卒也所謂雉離于羅者指王卒也

有兔爰爰雉離于羅音我生之初尚無造我生之後逢

此百憂一笑尚寐無覺音教罟翻車也有兩轅中施
罟以捕鳥無事生事曰造覺醒

也醒則百

事關心

有兔爰爰雉離于罌

音衡

我生之初尚無庸我生之後逢

此百凶尚寐無聰

施羅于車上曰罌庸用也勞也聰者耳根也無聰則近于死矣尚復何患

上古之世鳥雀之巢可攀援而窺今一雉也于羅于罌于罌多方捕獲曾不開一面之網此所謂百羅百

憂百凶也將

何所託命哉

葛藟

序王族刺平王也

平王東遷棄其族屬家室分離而莫之賑恤故作此詩而以葛藟爲

喻左傳樂豫云公族公室之枝葉也若去之則本根無所庇廕矣葛藟猶能庇其根本故君子以爲比

緜緜葛藟在河之汭

音侯

終遠

去聲

兄弟謂他人父謂他人

父亦莫我顧

古叶

緜緜葛藟在河之汭

音侯

終遠兄弟謂他人母

叶

謂他

人母亦莫我有

以叶

緜緜葛藟在河之汭

音侯

終遠兄弟謂他人昆謂他人昆

亦莫我聞

興而比也周南南有樛木葛藟累之唐風葛生蒙楚藟蔓於野大雅莫莫葛藟施于條枝

今在河汭水涯失所依矣緜緜長延不絕之貌岸上平地去水稍遠者曰汭近水者曰汭上平坦而下水深者曰汭自汭而汭而汭立言之序也三終字可痛

待軒詩記

三亦字可恥莫我顧謂不在眼裏莫我有謂不在心上莫我聞則呼之而不應矣沈仲容曰人所惡莫若死而免爰曰尚寐無覺人所尊莫若父而菑菑日謂他人父禍亂迫脅一至于此周道不可挽矣何黃如曰幽王為申侯所弑平王不以弑父為讐而反以立己為德汲汲圖報所謂謂他人父也謂他人父實望他人之我顧不知親疎倒置王不顧我彼亦安肯顧王哉禮天子必有父諸侯必有兄故天子無兄禮今斥王謂他人昆醜之也

采葛

序懼讒也

賢者不得志于朝托故遠引詩人憂之而作

彼采葛兮一日不見如三月兮

彼采蕭兮一日不見如三秋兮

彼采艾兮一日不見如三歲兮

賦也呂伯恭曰毛傳所云葛爲絺絺蕭供

祭祀艾療疾病不過釋三物見采之田不於此取義也鄭氏所箋失傳意矣徐敞弦曰葛以三月而伐

故曰如三月蕭以三秋而成故曰如三秋艾以三年而善故曰如三歲楊見宇曰三秋卽孟秋仲秋季

秋也自月而秋而歲蓋積日成月積月成時積時成歲所謂浸潤也嚴坦叔曰人臣任事于外則幾間

易生今往彼采葛事之至微者時不至久迹無可疑然一日不見遂如三月世事人情不測如此蓋幾人

衆多君子疑懼不可有爲若事有大焉者孰敢任乎愚玩三彼字是詩人從旁憂疑之語意謂彼君子

徘徊于此其采葛耶其以爲疏遠而可免疑忌耶吾恐一日不見有如三月事固有不可知者不在遠近

間也自古小人排君子權奸欺庸君未有不始離間而終陷害者二世深居而後趙高之計行霍光休沐而後上官之譖入嗟夫國家有近臣有遠臣豈能一在君左右縱在君左右而深宮宴間之際能保其無乘間抵巇者為人臣者將奈之何哉黃葵峯曰晁錯之于景帝非不厚也袁盎一言立斬東市離構之生于不相見可為寒心

大車

序刺周大夫也

妻為夫所棄誓死不嫁其夫衣毳乘車而出妻見之而作序謂刺大夫者

刺大夫貴而易妻也

大車檻

胡覽反

檻毳

吹去聲

衣如葵

吐覽切

豈不爾思畏子不

敢

賦也大車革車也櫬櫬車行聲毳衣天子大夫之服
菱蘆之始生者其衣色青故曰毳衣如菱蓋卽車服
聲容之威以見其氣勢之不可犯故妻畏其驕貴之
狀不敢就而親之也周禮侯伯之服驚冕子男之
服毳冕驚者有文之鳥毳者有
文之獸卽虞書所謂華蟲也

大車

他敦徒
孫二反

噶毳衣如璫

音門从玉从甘
从兩俗从尙非

豈不爾思

畏子不奔

噶噶重遲之貌璫玉赤色菱色青如菱言
其衣璫色赤如璫言其裳奔趨而就之也

穀則異室死則同穴

古橘反

謂予不信有如皦日

穀則異
室死則

同穴言生不能同半死則相從地下耳非必同塋兆
也謂予不信有如皦日蓋以死自明若謂予言不出
于至誠便當與日俱沒無顏復生在人間也此詩
刺大夫也絕不言大夫之情誼涼薄又不言己之衆

置孫苦但言衣服車馬之盛次且却步之狀而
刺意自寓記曰溫柔敦厚詩之教也卽此可見

丘中有麻

序思賢也

續序莊王不明賢人放逐國人
思之而作 莊王名佗桓王子

丘中有麻彼留子嗟彼留子嗟將其來施施

音蛇

丘中有麥彼留子國彼留子國將其來食

丘中有李彼留之子

反 樊里

彼留之子貽我珮玖

舉里反 賦也

留氏子嗟子國皆字也彼留之子揔指此二人毛鄭
以爲父子此鑿空妄說也將其者冀望之語施施徐
行之貌來食來就我而食也玼玉黑色者蓋知白守
黑之意 蘇子由曰賢者隱居丘陵之間植麻麥果

實以爲生詩人觀物懷人冀其來又冀其來食又冀其始我服玖服玖非植麻藝麥者所有益冀其道義相規如獲金璧也路史留國名陶唐氏之後後世遂以爲氏卽劉也馮嗣宗云王風所咏當爲周地今河南緱氏縣有劉聚周大夫劉康公劉夏劉摯劉狄皆食采于此

潘笠岡曰說者謂東周之時天王沒于異域天地之大變中國之大耻臣子之大誓也文武成康之宗廟盡爲禾黍其爲閔周之詩者一行周大夫而已平王在位日久不能自強政治棄族有葛藟之刺戎中有束薪之譏失賢有雉離之嘆至晚年失道滋甚廢天王之尊下賜諸侯寵妾三綱九法淪斃殆盡孰任其咎哉載觀小弁之詩曰蹶蹶周道鞠爲茂草我心憂傷惄焉如擣是黍離之感不惟大夫行役之時已兆于豔妻嬈處之日矣故予于東周之失政始則幽之憾而終則平之悲又曰讀王風諸詩未嘗不嘆王業

之不可復也驪山之寇周室東遷平王忘父仇戍母族而國人怨嗟怠政政治召饑饉而人民離散無復可言矣所求乎子若孫者幹蠱用譽飭厲前猷故武丁恭默思道遂振商宗宣王側身修行克光先烈班班可攷也平王以後桓王在位二十有三年莊王十有五年不爲不久矣國事日非無一善狀桓則失信諸侯奪鄭構怨莊則賢人放逐罔以圖治縮葛失狡兔而離雉憂首尾成衝決之患丘中思子嗟而咏貽珮仁賢有空國之虞終至皇綱墜而轍不西是以君子論世不能不痛憤于桓莊也

鄭

鄭者宣王母弟桓公友之封地也本在西都畿內桓公見王室多難寄孥賄于號鄆以爲後圖驪山之難桓公死之子武公隨平王東遷遂奄有號鄆之地謂之新鄭在濟西洛東河南潁北四水之間有虎牢之險爲中國襟喉于是南北之形勢在鄭而鄭在春秋時亦世有晉楚之爭矣今爲河南開封府新鄭縣

郝仲輿曰周室東遷鄭爲輔諸侯無王
鄭爲先五霸迭興鄭爲首故鄭次王

緇衣

序美武公也

按驪山之變迎王于申遷都于維維鄭
晉秦衛共襄其事不獨鄭武公一人然

武公之父桓公捐軀殉難則其禍視諸人倍慘考諸
史記武公十年娶申侯女爲夫人則武公此時年纔
童稚君父大難不驚不怖慷慨勤王與秦晉諸國奔
走先後文武之箕裘不失河雒之提封無恙皆此童
稚之精誠有以感動也哀經從戎垂髫受命緇衣之
服彌覺光采故詩人借平王口語以寫其愛慕無已
之意如此武公
名掘突桓公友子

緇衣之宜兮敝

讀

予又改爲兮適子之館兮還

讀

予授

子之粲兮

賦也緇黑色緇衣朝服也武公繼立新受爵封故有緇衣之賜宜者固以體之相稱亦以

人之無愧適往也館客舍周王新遷東都武公止于客舍王親臨視以省其安否粲粟之精鑒者投粲猶豐其委積之意詩不言感德亦不言其忠愛但望此緇衣自覺其服之恰稱而情之不能自己如此

緇衣之好

去聲

兮

敝予又改造

去聲

兮

適子之館

兮

還予授

子之粲兮

好者因其人而益見其衣之好也造制作也改為改造有加無已之意

緇衣之蓆

祥齋反

兮

敝予又改作

兮

適子之館

兮

還予授

子之粲兮

蓆毛訓大韓訓儲許訓廣程訓舒安服稱其德則舒安終覺勉強蓋字之誤也御嶧山

曰犬戎之難父死其君東都之遷子定其鼎當時諸侯功烈固未有出桓武右者至與周交惡取禾中育

而緇衣之
風替矣

將仲子

序刺莊公也

國人知莊公與祭仲有段段之謀乃設爲拒仲之言而以父母兄弟國人感動

之蓋諷諫也

莊公名寤生武公極

突子祭音僨段共叔段莊公弟也

將仲子兮無踰我里無折我樹杞豈敢愛之畏我父母

姪罪反

仲可懷

虎威切

也父母之言亦可畏

叶

賦也毛詩訓將爲請

愚意此詩人口語以諸字釋之反覺板實仲子卽祭仲名足仲其字鄭大夫也五家爲隣五隣爲里皆植樹以爲界限故曰無踰我里無折我樹杞

將仲子兮無踰我牆無折我樹桑豈敢愛之畏我諸兄

虛王

仲可懷也諸兄之言亦可畏也

五畝之宅樹牆下以桑故曰無踰我牆無

折我

樹桑

將仲子兮無踰我園無折我樹檀豈敢愛之畏人之多

言仲可懷也人之多言亦可畏也

園者圃之蕃其內種檀故曰無踰我園無

折我樹檀

嚴坦叔曰

祭仲之謀迫而淺欲速去其

逼曰早爲之所

莊公之謀狡而深故養成其惡曰子

姑待之國人知公與祭仲有殷段之謀乃設爲公拒

仲之詞而曰無踰我里而折我杞猶云無入我家無

害我弟也又以父母兄弟國人感動之言公縱不愛

弟獨不畏父母乎不畏兄弟乎不畏國人乎溫柔篤

摯情見乎詞真聖人之言也 胡康侯曰莊公志殺其弟使糊口四方自以爲保國之計得也然身歿未幾而世嫡出奔庶孽奪正公子互爭兵革不息忽儀薨突之際其禍懣矣亂之初生也起于一念之不善後世則而象之至于兄弟相殘國內大亂氏人思保其室家而不得不亦酷乎 按鄭莊殘忍不必言祭仲身爲上卿爲君所信任不能維持骨肉而身爲謀主令其父子兄弟之間相尋于干戈幾至亡國此後世李斯趙高李世勣李林甫之流也爲人君者寧用忠厚敦朴之人緩急可任其有一言離間立爲放黜庶幾社稷可保不然未有不至于危亡者也

叔于田

序刺莊公也

鄒肇敏曰于田二詩皆美叔段之才武無一語他及而序以爲刺莊公夫亦爲

其不義得衆故託爲國人賦此以見叔之多才好勇
如是比昵羣小如是羣小之傾心翼戴如是莊公不
早伐狂謀養成其惡以致大戮詞
雖美叔段意實刺莊公風之體也

叔于田

如字又他因切

巷無居人

如延切又如字

豈無居人不如叔也

洵聲美且仁

賦也叔莊公弟共叔段也于往田獵取禽獸也四時之獵總名曰田爲田除害也巷

里塗也洵信也美言風標之美仁煦煦愛恤之意段不義而得衆國人愛之而作此詩以爲叔往田則所居之巷若無人矣非實無人雖有而不如叔之美且仁也此叔自往田下篇乃從莊公同往

叔于狩

音守

巷無飲酒豈無飲酒不如叔也洵美且好

于九

切冬獵曰狩無飲酒謂無可飲酒之人好者獻酬款洽情意交通之謂

叔適野

叶

巷無服馬

滿補反

豈無服馬不如叔也洵美且

武

郊外曰野無服馬謂無能乘馬之人武者磬控馳騁力能服馬之謂以其與衆混處遂謂其仁與衆飲

酒遂謂其好與衆馳騁遂謂其武猶河朔之人謂安史爲聖人也詩故云里巷細民所居叔段都京既

有人民社稷之寄宜求良士以自輔而徒爲里巷小人所好是速亡之道耳

大叔于田

叔封京謂之京城大叔此詩在封京之後故加大字

序刺莊公也

叔于田乘

平聲

乘馬

滿補反

執轡如組

音祖

兩驂如舞叔在

數

音曳蕪五切

火烈具

从目久

舉禮

音但

裼

音錫

暴虎馮于公所將

叔無狃

反女古

戒其傷女

音汝

平聲

賦也

田解見前篇上乘

馬之韃織者總紕于此成文于彼御者執轡于手馬

騁于道馬在車兩旁曰騶如舞謂諧和中節兩服制

于衡不得如舞舞者惟兩騶耳藪大澤禽獸所居爾

雅十藪鄭有圃田是也火獸曰烈其俱也舉舉火也

火烈具舉縱火焚林使獸無所容也禮裼肉袒暴虎

徒手搏虎公指莊公獻于公所氣陵其兄也狃習慣

而自恃將叔無狃戒其傷女叔之徒愛而戒之也

鄒肇敏曰段以國君介弟多行不義所與居者皆里

巷俠邪非雄心于飲酒服乘即癢技于田獵射御甚

且手格猛獸以爲豪而羣小翕然交譽之其能使西

鄙北鄙貳于己又能收貳以爲己邑豈非此輩爲之羽翼乎

叔于田乘乘黃兩服上褱兩鵇鴈行

音

叔在藪火烈具

揚叔善射忌

音計下同

又良御

魚駕反

忌抑磬控

苦貢切

忌抑縱

送忌

來黃乘鵠殊其色以自誇富強也當衛夾轅兩馬曰服裏駕也上裏言兩服在兩驂之上鴈行言驂

馬少次于服馬其行如鴈之斜飛也揚火之威也旣言叔良御遂言其能磬控磬者騁馬從禽轡之所使馬卽隨之曲折如磬也控者馬行方疾遇獸而射止之卽止隨其控制也旣言叔善射遂言其能縱送縱以發矢言矢含弦處爲拔發矢則矢舍之而達縱也送以張弓言弓未發矢弓猶內向及旣發矢則弓消向前如送矢遠去也抑者旣能如此又能如彼言其操縱疾徐惟意所適也忌語詞

叔于田乘乘鵠

音保又補苟反

兩服齊首兩驂如手叔在藪火

烈具阜叔馬慢忌叔發罕

叶漢

忌抑釋棚

音氷又古蓬切

忌抑鬯

弓

叶經又

忌

驪白雜毛曰鵠兩服並首在前不退而後兩驂在旁少出其後如左右手亦不退而

前也始而具舉既而具揚終而具阜形容火勢以漸而盛也慢遲罕希也棚箭箭毫弓囊田事將畢則馬行遲發矢希釋棚覆矢以毫弦弓從容得意庖丁善刀而藏之象阜本土山之名借之以形容火焰餘燼屯聚之象嚴坦叔曰段有不義之謀兄弟之間人所難言詩人但言成段矜能恃勇氣陵其兄私黨甘言媚語諂事其主始而踴躍馳騁既而從容自得意氣如此殆非令終之器所謂智伯射御足力則賢而以不仁行之者也是孰使之然哉詩所以刺也看來段無大志一馳馬試劍公子耳故馬易而黃而鵠此介弟輕肥氣象弓馬皆善此介弟喜兵氣象作詩誇美亦不過媚子狎客從諛遊戲者耳不然且爲曲沃武公矣鄭莊公其能久乎

清人

序刺文公也

左傳鄭人恐高克使帥師次于河上久而

賦清人按閔公二年冬狄入衛衛在河北鄭在河南狄既滅衛恐其渡河侵鄭故使高克將兵禦于河

上 文公名提厲公子鄭人公子素也

清人在彭

叶

駟介旁旁二矛重

平

英

叶

河上乎翱翔

賦也

清鄭邑在今河南開封府中牟縣高克之師皆清人也彭消軸河上地名無考師久不歸故遷移三處駟四馬介甲也旁旁馳驅不息也二矛酋矛夷矛英以朱染絲爲之重重疊也重英矛上之飾河卽大河高飛曰翱翔布翼不動曰翔

清人在消駟介廐

音標表
驕切

廐二矛重喬河上乎逍遙

廐武

貌重喬累荷也刻矛頭受刃處爲
荷葉相重疊也逍遙閒暇自適也

清人在軸

直祐反

駟介陶

徒候反

陶左旋右抽

勅救切

中軍作

好

許候切 陶陶驅馳之貌左謂御者主御車回旋右
謂車右主抽刀擊刺中軍謂將者居中主擊鼓調度

卽高克也旋者旋抽者抽中軍絕無調度惟修飾容
儀端拱自適而已師安得不潰哉 陳行之曰在彭

在消在軸有遷徙無常爰居爰處之意旁旁廐應陶
陶俱指乘駟介之人言有無事不歸自爲馳驅之意

重英重喬有師久英猷虛備故事之意 楊見宇曰
左旋無執綏死難之志右抽無仗劍赴敵之勇作好

無出奇制勝之心師之潰也必矣 胡康侯曰人君
擅一國之名寵生殺予奪惟我所制耳使高克不臣

之罪已著按而誅之可也情狀未明黜而退之可也
愛惜其才以禮馭之亦可也烏可假以兵權委諸境
上坐視其離散而莫之惜乎春秋書曰鄭棄其師責
之深矣李明德曰狄患先及于衛則清人宜當其
衝尚未能渡河至鄭也第遣一旅至河更番偵伺待
其警急而後大發車徒未爲晚也今乃盡以其師次
于河上使之翱翔逍遙豈恤師之道哉卓去病曰
鄭虜國也是時方卽齊而楚謀伐之狄勢雖張尚有
邢衛在前鄭則剥膚矣狄入邢入衛齊桓之力不能
卽殺又有魯難而鄭徒以偏師綴于河上不能備狄
更以招之且河上之師必有齊命文公欲違齊而不
敢保爲次于河上任其自潰內以自計而外以辭齊
此固其本謀也乃善爲國者大事大衆舉動有法豈
其苟且可以自全潰散幸矣潰亂奈何春秋書此得
失自見鄭肇敏曰清人作于鄭文時毛詩編在有
女同車扶藪擇兮諸篇前按昭公忽厲公突皆莊公

子而文公卽厲公子也詩猶之史必以世代爲次宜宜參越若此固知毛詩之錯簡多矣

羔裘

序刺朝也

續序言古之君子以風其朝焉

羔裘如濡

音儒又叶柔

洵直且侯

叶胡又如字

彼其之子舍

去聲

命不渝

以朱切又音偷賦也三章上二句指在朝諸人下二句乃懷想前哲盛見在朝者衣冠都雅

因感念昔時人與服稱不似今人金玉其外敝絮其中也羔裘視朝之服濡潤澤也謂裘之毛色光潤洵

信也直謂裘之文理條達侯美也彼其語助之子是子也舍如宅舍之舍命卽天命之命以天命爲安身

之所非得喪利害所能奪故不渝變也不渝與直相應

羔裘豹飾孔武有力彼其之子邦之司直

豹飾以豹皮爲祛袖也禮

君用純物臣則別以皮飾之孔甚武威也豹有武力之獸而以豹爲飾故見其武司主也危言危行能邦國主持直道也直與有力相應

羔裘晏

於諫反

兮三英粲

於諫反

兮彼其之子邦之彥兮

字書

晏明盛也三英蓋衣服制度之節范氏謂五純五絨五總皆所以英裘謂之三英粲光明貌人文宣朗足以潤色皇猷謂之彥彥與粲相應朱康流曰凡刺其人而外之則稱彼有美其人而稱彼者非已往之人則未見之人也此詩蓋憶昔日之賢大夫而嘆今日之不然故曰刺朝詞在彼而意在此也鄭文公時叔詹堵叔師叔叔爲政管仲富辰皆稱之爲三良繼此而爲政者公子歸生傳稱其仁而不武以與于弑君

此詩之作其在歸生爲政之日乎曰舍命不渝曰邦之司直或以刺歸生之依回耳何黃如曰美叔詹也按叔詹鄭之公族厲公季年齊桓始伯時詹爲執政用兵伐宋又不朝齊齊人以其貳也將討之鄭乃使詹往謝齊因執之未幾詹聞其故逃于魯遂自魯復歸鄭文公二十年齊桓會諸侯盟于甯母鄭太子華以洩氏子人氏爲訴管仲曰鄭有叔詹堵叔師叔三良爲政未可間也齊桓乃止楚子過鄭入享鄭夜出文芊送于軍取鄭二姬以歸叔詹曰楚王其不没乎爲禮卒于無別無別不可謂禮將何以沒三十六年晉公子重耳過鄭鄭弗禮焉叔詹諫曰臣聞之親有天用前訓禮兄弟資窮困天所福也棄此四者以徼天禍無乃不可乎弗聽叔詹曰若不爲禮則請殺之亦弗聽重耳反國六年伐鄭鄭人以名寶行成弗許曰予我詹而師退詹往公弗許詹固請曰一臣可以赦百姓而重社稷君何愛于臣也鄭人以詹予晉

人皆人將烹之詹曰臣願獲盡辭而死公聽其辭詹曰天降鄭禍使淫觀狀棄禮違親臣曰不可晉公子賢明其佐皆卿才若復其國而得志于諸侯禍無赦矣今禍及矣尊明勝患知也殺身贖國忠也乃就烹據鼎耳而疾號曰自今以往知忠以事君者與詹同乃命弗殺厚爲禮而歸之鄭人以爲將軍叔詹始終忠于其國故使齊桓聞其名而晉文爲之禮臨難不避舍命不渝也累建正論邦之司直也鄭有三良同時爲政則所謂三英聚兮者矣是詩在鄭風非叔詹無足當此美者而公羊穀梁皆謬以詹爲佞人何不據詹之行事本末而觀之乎 附錄

遵大路

序思君子也

續序莊公失道君子去國國人思望焉呂伯恭曰武公之朝益多君子矣至

于莊公尚權謀專武力氣象一變左右前後無非祭仲
高渠彌祝冊之徒君子安得不去之乎詩人非徒勉

留君子而懷其
舊者亦深矣

遵大路兮摻

彩上聲又
所覽反

執子之祛

起據反

兮無我惡

烏路反

兮不寔

而坎反

故也

賦也遵循也道容三軌曰路摻攬執持也祛袖口寔速也倉卒也故故舊

也不言惡莊公而言惡我婉詞也不寔故言非一朝一夕之相與卽申公白生強起移生曰獨不念先王

之意

遵大路兮摻執子之手兮無我魏

音隸鄭音醜

兮不寔好

反也

魏棄也好情意綢繆也嚴坦叔曰大路非隱僻之所君子遵此以去觀瞻所係衆所共惜莊公不

能留而國人留
之是可刺也

女曰雞鳴

序刺不說德也

鄭之風俗以弋獵飲酒爲娛有賢婦勸其夫以親賢樂善故詩人述其夫

婦相告語之詞以見好德之懷不出于男子而出于婦人以是爲刺詩稱士女蓋始婚者也

女曰雞鳴士曰昧旦子興視夜明星有爛將翱將翔

鳬與鴈

賦也昧晦旦明也昧旦晦明未辨之時子士呼其婦明星啓明也衆星不見獨明星爛然有光

蓋天特明之時也軒舉自得曰翱行而張拱曰翔將翱將翔翩翩出門無所繫戀之象弱弓微矢乘風振之曰弋鳬雁常以晨飛故羣鳥中獨言鳬雁詩志將翱將翔不必說業貴乘時只此風露清寒亦可爽

人夜氣朱門戚曉有終身
不一見者亦大可念也

弋言加

居何居之二反

之與子宜

牛何切又如字

之宜言飲酒與子偕

老

朗口反

琴瑟在御

从千以御

莫不靜好

於九反告夫之語

此二章婦言語詞加

中也宜者和其所宜也如牛宜稌羊宜黍之類琴瑟解見蘭雖凡物在手曰御靜安靜不煩數浮蕩之謂好和好不淫吐蒞慙之謂莫不者以心之和形爲聲之和無不安靜而和好也大抵此男子意興不俗是好馳騁好結客之人故以飲酒偕老琴瑟靜好爲言言家庭自有樂地何必以鼻端火出耳後風生爲樂也姚承菴曰家道最難得者靜好二字安寧而無事曰靜無事而無乖戾曰好不曰夫婦而徵諸琴瑟蓋託物以見其意耳朱康流曰弋獵以供祭祀賓客詩不言及而言夫婦飲酒者尋常燕私人所易忽于

此而靜好則非辟
之心無自而入也

知子之來

力叶

之雜佩以贈之知子之順之雜佩以問之

知予之好

去聲

之雜佩以報之

來謂相知而招之至贈謂觀面相贈以送其往順謂

莫逆于心問以物遺之謂令人相候也好謂樂善之懷報謂感激酬恩我好彼善是彼以善施我矣故著報字知其來則贈知其順則問知其好則報三知字大具眼孔故施與之際毫忽不爽蓋觀其夫無與逸遊爲伍也朱康流曰雜佩蓋男子之佩如紛帨組綬之屬乃婦人所爲故贈自婦人也若婦人之佩贈于男子何用卽男子之佩非婦人所爲者又何必贈自婦人也玩飲酒偕老此夫婦事也若無未章朋友交往一段則弋射特薄拔耳琴瑟特昵情耳且有議其于婦人厚而于長者薄又何取于雞鳴之戒耶

雄雉之詩別離而勉以德行此詩和聚而勉以取友如此婦人良師友也

有女同車

序刺忽也

續序太子忽嘗有功于齊齊侯請妻之而忽不娶卒無大國之助至于見逐故國人

刺之嚴坦叔曰春秋桓五年經書鄭忽出奔衛以其失國故不稱子十五年經書鄭世子忽復歸于鄭以其歸國故稱世子以其終失國出入皆不稱鄭伯此序首稱忽與擊鼓稱州吁墓門稱陳佗皆用春秋書法知序經聖人之手矣左傳魯桓公之未昏于齊也齊侯欲以文姜妻鄭太子忽忽辭人問其故太子曰人各有耦齊大國非吾耦也詩云自求多福在我而已大國何爲隱八年鄭太子忽如陳逆婦以嬖氏歸桓六年北戎伐齊齊侯使乞師于鄭鄭太子忽帥師救齊大敗戎師獲其二帥大良少良甲首三百

以獻于齊齊侯又請妻之固辭人問其故太子曰無
事于齊吾猶不敢今以君命奔齊之急而受室以歸
是以師昏也民其謂我何祭仲曰必取之君多內寵
子無大援將不立三公子皆君也弗從三公子子突
子亹子儀也桓十一年鄭莊公卒初祭封人仲足有
寵于莊公莊公使爲卿爲公娶鄧曼生昭公忽故祭
仲立之又宋雍氏女妻于鄭莊公曰雍姑生厲公突
雍氏有寵于宋莊公故誘祭仲而執之曰不立突將
死亦執厲公而求賂焉祭仲與宋人盟以厲公歸而
立之秋九月昭公奔衛桓十五年厲公怒祭仲之專
使其堵雍糾殺之己而謀洩厲公出奔蔡六月昭公
入九月厲公因櫟人殺檀伯而遂居櫟桓十七年高
渠彌懼昭公惡之而殺也弑昭公立公子亹十八年
齊人殺于亹而輟高渠彌祭仲逆于儀于陳而立之
莊十四年鄭傳取殺于儀而納厲公忽始于見逐終
于見殺三公子更立鄭國大亂論者謂忽當日不辭

昏則外有強援何以至此胡康侯曰詩人以失大國之援刺鄭伯夫國之強弱顧自立何如耳鄭自五伯之後益以侵削他日子產相鄭辭執禮以常晉楚至于康諸侯之館垣却逆女之公子晉楚之強卒莫能屈亦待大國之助乎鄒聲敏曰婚姻禍福之階鄭不耦齊亦無齊禍魯一耦之得齊禍無若魯酷者般卒閔弑魯再罹齊禍也段忠立按齊三成魯亂也所謂大國之援安在哉祭仲智未及此朱康流曰嘗讀春秋傳載鄭忽事忽乃當時賢世子也立爲君而不稱伯既弑又畧之不書以爲必有闕文及讀詩序亦俱稱名恰與春秋相符此必有其說也考其時宋之力非強于鄭也納突之時以鄭國之衆無一矢加遺而忽之復入也突因櫟人以入櫟遂如兩君然則國人之不與忽明矣夫子作春秋于忽之出奔書名復鄭僅書世子則夫子之不與忽亦明矣夫忽固世子而賢夫子不與之者何也當時諸侯之立皆不

請命于天子夫子之所與者亦視夫民之所與而已
民之不與忽者非以忽之失大援也當時忽辭齊昏
而魯遂昏于齊然郎之師齊反助忽以伐魯而謂忽
以辭昏失大援真謬說也且忽爲世子救齊有功以
如此之才而能治其國又何假于齊援乃倉皇被逐
不能得一人之死力及其復位知高渠彌之不可用
而憤憤用之一似喪心志而病昏惑者以此詩參之
大抵既立之後荒于色而耽于佚游棄國事身謀于
弗恤一如後世李存勗之爲人此人心之所以弗附
也後漢楊賜傳上封事云春秋兩蛇鬪于鄭門昭公
殆以女敗此得之矣史記衛靈公與夫人同車而出
招搖市過之夫子以爲醜注謂招搖猶翔翔也此曰有
女同車將翔將翔正與其事同故詩人觀
其荒淫而復思齊女之賢惜忽之不取也

有女同車顏如舜華

芳無反

將翱將翔佩玉瓊琚彼美

大夫

俗父火
卽羔字

孟姜洵

平聲

美且都

賦也按左傳史記載忽不娶齊女隱八年如陳逆婦媯以

媯氏歸陳鍼子送女先配而後祖鍼子曰是不爲夫
婦誣其祖矣非禮也何以能有則詩所言同車之女
非夫人耶舜木槿其花朝開暮落顏如舜華葢菲薄
之詞翱翔衣服迎風輕舉之貌佩玉瓊琚以瓊爲琚
如圭而正方在珩璜之中此言服飾之美所謂婦言
婦容婦功者無一而可有女彼美兩相較對之詞美
言其質之婉孌孟長女姜齊姓洵與信通上句旣言
彼美下句如一洵字以嘆美之彼美孟姜洵美且都
忽若取之則有大國爲援何至見逐哉詩人引而不
發耳毛傳同車親迎也謂親迎之禮與婦同車也
按昏禮壻御婦車姆辭不受壻御輪三周御者代壻
乘車先俟于門外壻車始在女家大門外乘之先者
道之也門外壻家大門外婦至主人指婦以入主人
壻也觀此則親迎未有壻婦同車者此言同車卽衛

靈輿夫人同車而出之類 張七澤曰司馬相如之
臨邛從車騎閒雅甚都則都與閒雅當足二義毛詩
以閒雅訓都非也楊用修曰都鄙之對淮南子如乎
都者常辛乎鄙蓋天子所居輦轂之下聲名文物之
所聚故其士女雍容佳麗今諺云京樣郎古所謂都
也治容艷態多出於膏腴甲族彼山姬野婦雖美而
不都所謂婢作夫人鼠披荷葉也苟
非習慣則舉止羞澁焉有閒雅乎

有女同行

叶

顏如舜英

叶

將翱將翔佩玉將將

七羊反

將彼

美孟姜德音不忘

同行舍車而徒攜手同行也英者花之色將將玉音也於瓊琚言德音於

將將言德音各以其類也德音不忘謂齊侯請妻之之言鄭人懷之而不忘也

山有扶蘇

序刺忽也

續序所美非美然嚴坦叔曰爲君在辨君子小人而已忽闇于知人所美之人非真

美也

山有扶蘇隰有荷華

芳無切

不見子都乃見狂且

子餘反與而

比也扶蘇小木荷華卽蓮也子都世之美好者狂狂悖之人且語詞

山有橋松隰有游龍不見子充乃見狡童

上棘無枝曰橋游放縱之

貌龍紅草著地便生子充不見于書卽于都之流狡童狡獪之童詩意謂高高下下何地無才鄭雖

最爾宜無堪任使者何宜見者不見不宜見者乃見也上二句以物興人下二句以貌比德何黃如曰

據左傳仲足初爲祭封人因有寵于莊公莊公使爲卿爲公娶鄧曼蓋君之嬖倖臣也仲雖爲卿詩人本

其進身之始而醜之故有狂且狡童之目游龍一名馬蓼字書狂乃獬豸之名說文狡少狗也以此相擬不比于人類并不比以尋常之大鄭自莊公殽後廢立如奕篡弑相尋皆祭仲一人爲之謀主扶蘇諸詩所稱狂狡不指仲而誰指哉蓋以其無所畏忌也謂之狂以其譎詐多端也謂之狡此二字亦足盡其生平矣或謂祭仲自莊公時已爲卿昭公卽位年已老矣不應目之謂童不知所云童者猶俗語所云癡兒癩子侮慢之語非必以年論也若謂指忽則忽以世子卽位詩人欲明大義于天下不應以狂童目之且忽亦未嘗狂也

擇兮

序刺忽也

忽初立外無重援內無良輔將有奪嫡之謀而忽方與女同車泄泄自得故其臣私

相謀如此君之不能
倡可知矣故曰刺也

擗

音北

兮擗兮風其吹女

音汝下同

叔兮伯兮

倡

平聲

予和

叶

女

擗兮擗兮風其漂

音飄

匹反

女叔兮伯兮

倡予要

於遙反

女

遙反

女

興也擗木槁而將落者擗兮者國勢危也風吹者難
將及也吹尚在樹漂則如水之流而去矣叔伯羣臣
自謂發歌爲倡酬歌爲和倡和者寓言協力共濟不
患無和患無倡也倡字宜少讀言有倡者予卽從而
和之矣要約也相約以圖事也忽不足道人情不遽
絕如此則國人之與突而不與忽豈得已哉序詩
者於有女同車之後次以扶蘇等篇蓋謂忽外蔽于
權臣國勢日危欲求救于正人君子而不可得揆厥
所由皆有女同車爲之祟也聖人備錄刺忽諸詩見
治國者壺範爲先垂統者貽謀爲本鄭初有叔段後

有子突背公植黨禍延累世可不畏哉可不戒哉
邾仲與曰忽初卽位之事無所考但突以庶子能致
外援得國豈獨祭仲之力抑亦忽有不满于諸侯與
國人者故春秋不稱鄭伯而書名不成其爲君也詩
所以屛刺之歟又曰鄭風如稊兮狡童褰裳諸篇慷
慨傷時而其言皆以婦人艷語此所謂鄭聲好淫
志者也故曰詩言志勿以辭害志如以辭而已凡鄭
詩孰不可目爲淫奔乎 鄭肇敏曰鄭莊多內寵身
歿之後公子五爭迄無寧歲以春秋傳考之五爭者
魯桓十一年突入而忽出一也桓十五年突出而忽
入二也桓十七年殺忽立子亶三也桓十八年齊人
殺子亶而祭仲立子儀四也莊十四年傅瑕殺子儀
而納厲公突五也其伐鄭者初亦不止齊楚蓋突藉
宋援入國背宋賂而糾紀魯伐之無何宋亦以四國
伐鄭至于焚渠門入大逵伐東郊取牛首大宮之椽
椽于盧門鄭不勝辱矣及厲之入櫟也諸侯不果于

輔正而果于黨邪則羣然有表鑄之役將以納厲而弗克明年又有曹之役鄭無歲不受兵其後厲爲傳取所納鱷蛇之妖已踐顧當是時齊方圖霸楚亦寔張厲既以侵宋于霸討又因緩告致楚師春秋莊十六年夏宋人齊人衛人伐鄭秋荆伐鄭鄭益岌岌乎有亡徵焉將墜之策宜假烈風哉當時謀臣欲諫救而賦梓兮未知策將安出以愚度之大約有三其一曰睦宗夫鄭置君如奕棋矣厲雖據國而莊公之子猶有八人若行賂勸貳誰能禁之是必有齟齬釋猜豐枝莖以庇本根者觀厲公念叔段之無後復其孫使以良月就盈數入則其裔羣公子亦必有道矣未必非倡和之本謀然也其一曰事大春秋時以篡得國者必盟主列之同好而後成爲君厲公與齊桓會鄆者再亦此志也乃尋自叛之間伐鄭而侵宋其服齊固不誠矣夏被伐而冬盟幽倘亦悔禍之延而降心以相從乎亦未必非倡和之本謀然也其一

曰觀王春秋之初王室猶甚威重故州吁未能和其民石厚問定君于碯碯曰王觀爲可雖以給之然厚惟恐不得觀爲之朝陳使請則當時大勢槩可見矣鄭厲既受盟于幽不旋踵而鄭詹被執傳以爲不朝齊也謀臣之意倘謂與其乞靈于盟主更不若假寵于天王乎觀左傳莊十八年春虢公晉侯朝王王饗禮命之宥繼之曰虢公晉侯鄭伯使原莊公逆王后于陳陳媯歸于京師則是厲公與虢晉之君皆在上所與其昏禮豈非朝王明證果爾亦未必非倡和之本謀然也未幾周有五大夫之亂天子蒙塵鄭伯因以爲功爲之執燕仲般子頹伐王城定王位此莫大之義舉齊桓所未暇爲而厲公卒以此受虎牢擊鑑之錫雖倡和之始謀不及此然計必有以自固而後謀及于觀王向猶是搖搖焉處振落之勢其國家不能恤敗及土室逮王室定而鄭事益與之俱定揆厥所繇不可謂非擇兮詩人啓其端矣

狡童

序刺忽也

續序不能與賢人圖事權臣擅命也

權臣謂祭仲

彼狡童兮不與我言兮維子之故使我不能餐

七丹反

兮

彼狡童兮不與我食兮維子之故使我不能息兮

賦也彼狡

童謂祭仲不與我言謂陰謀也共食則可從容圖事不與我食驕亢之貌子謂忽也彼者薄之之詞子者親之之詞維子之故各忽之任之也不能餐謂食不暇咽不能息謂卧不安枕權臣擅命將有他志慈察祭言之故但言憂而不能餐不能息微詞也

褰裳

序思見正也

續序國人思大國之正已也孔疏正其爭者之是非令去突而定忽按忽以

世子嗣位非以失德止以勢孤援寡強臣擅命踰月見逐雍糾之亂忽復歸于鄭是冬諸侯會于袤陪傳日謀納厲公也明年會于曹傳云謀伐鄭也彼時諸侯助突而不助忽若此誰爲去突誰爲定忽忽亦何所恃而國人望之乎豈無他人一句語氣倨傲尤非控大國之體細心理會以詩合序序所云思見正者思見正人也當時祭仲秉國狂狷成羣故思見正人以爲之砥柱也

子惠思我褰

音牽

裳涉溱予不我思豈無他人狂童之狂

也且

子餘反下同

子惠思我褰裳涉洧

子軌反

予不我思豈無他士上聲狂童

之狂也且

賦也惠愛也褰揭也漆洧二水名出今河南密縣詩人胸中必自有人故云子如念我憂

國之誠庶幾濡首塗足助勸我事如或高尚竟不念我則我所共事者豈爲無人其如狂童之狂不可同事何哉狂童指同朝者嗟乎當鄭國大亂之時尚有作此詩者尚有爲詩人所思者但其君比匪長奸有賢不用徒令詩人慨嘆爾張敬夫曰忽之不昏于齊未爲失也而詩人追恨其失大國之助者蓋見忽之弱而追念其資大國或有以自立此國人之情也蓋忽者先君之世子其立也正故其始也國人見其逐而憐其無助至其復入也不能懲創而用賢于是憂之而不能餐不能息夫忽蓋不足道而人之情猶不欲遽絕之者以其立之正故

丰

序刺亂也

朱康流曰公子五爭莫知所主爲其臣者皆懷二心故詩人托爲婦人從夫之語以

刺之子之丰喻其君之美也送我乎巷喻其君之有禮也悔不送喻懷二心後必有悔也未二章喻反正而從一則有安榮之樂叔伯喻兄弟謂同僚也其君雖未必賢臣之志則正矣作此詩者殆原繁之流歟

子之丰

芳鳳切

兮侯我乎巷

乎貢反

兮悔予不送兮

賦也丰而目豐

滿也侯待也巷門外也謂出門而侯我于巷中

子之昌兮侯我乎堂兮悔予不將兮

昌說文美言也馮拜昌言之昌上曰

丰贊其容貌此曰昌贊其言語將者攜持之謂

衣音錦聚

古迥反

衣音裳錦聚裳叔兮伯兮駕

讀

予與行

杭叶

裳錦聚裳衣錦聚衣叔兮伯兮駕予與歸

居爲切 聚儀禮作類禮

記作綱古註以爲禪衣所以裳錦衣者行道禦塵使衣鮮明也禪音單

東門之墀

序刺亂也

天下有道則見無道則隱東門非深山窮谷不可踪跡之地賢者托足于此君臣之

之間莫能物色而二三友朋託諸歌咏則世道可知故曰刺亂

東門之墀

音善叶上演反

如

音如

慮

音問方於反

在阪

音反叶甫變反

其室則

通其人甚遠

賦也東門城東門也除地去草曰墀如慮草名一名蒿可以染絳阪陀不平而可種

者名阪阪有茹蘆三徑就荒之象託跡東門故曰
邇超然世俗之外故曰邇蓋避世塙東之流也

東門之栗有踐

韓詩作靖藝文類聚豐本作靜

家室豈不爾思子不我

卽

毛傳栗行道上栗杜預云表道樹踐靜也有踐家室門庭蕭寂之象卽就也子不我卽嚴毅難親之象踈

之不能親之不得有品者如是正其可思之處

風雨

序思君子也

既見後而思之也

風雨淒淒雞鳴喈

音

喈既見君子云胡不夷

興也淒淒寒涼之意

喈喈和聲之連聞云胡謂何也夷懷抱開爽

欽定四庫全書

詩經詩記

卷三

風雨瀟

音蕭又
叶聊又

瀟雞鳴膠

音交又
叶聊

膠既見君子云胡不

瘳

叶聊又側留反
瀟瀟風雨聲膠膠聲之
雜也謂雞聲與風雨之聲相亂瘳病愈也

風雨如晦

叶

發雞鳴不已既見君子云胡不喜

節潛谷曰
世亂俗敗

自非性生誰不改度雞司晨性也風雨如晦而雞鳴
不已不改其常度性使然也玩詩詞是詩人訪友
適值風雨雞鳴之際故撫時卽景而賦此詩蓋朋友
之懷于風雨時爲甚求友而值風雨又不得見則神
情蕭索今既見則彼我之懷皆暢而曰不夷曰不喜
詩人胸中似更有感傷而不得解者何也蓋鄭自厲
突始爭五年之間出戰者二受伐者三民不堪命兄
弟之間視爲仇讐而君臣之際同於傳舍故冒風衝
雨相對躊躇踏蹠有不能已于懷者也嗟乎世雖大亂
未嘗無人素向棄置不用令祭仲振臂其間幾令武

公不得血食夫子錄東門風雨二詩意蓋爲此云胡
者自疑自問之辭云何不夷猶云謂何不夷詩人胸
中原未嘗夷也冀一見君子而庶幾少慰
乃復仍前不夷似有不可曉者故曰云胡

子衿

序刺學校廢也

學校不修朋徒離散故賢者傷之而
作范氏曰無忠臣良士大亂五世學

廢之
由也

青青子衿悠悠我心縱我不往子寧不嗣音

賦也禮父
母在衣純

以青青衿青領也子指生徒悠悠思之長也君子服
其服則當事其事故見其青衿而爲彼深長以思也
往欲往而強聒也禮聞來學不聞往教音謂質疑問
難之語道理無窮好學之人時勤問難故曰嗣音縱者

假設之詞寧不者問心之語君子之于學問有如饑渴縱我不往子如何過得去毛傳嗣音謂習音樂誦之歌之絃之舞之也

青青子佩

蒲枚反

悠悠我思縱我不往子寧不來

叶祭

毛傳佩

佩玉也士佩瑞珉而青組綬

挑兮達兮

中从羊

兮在城闕兮一日不見如三月兮

既不來則惟在

城闕間挑達而已挑輕躍達放恣城闕城樓也一日不見有如三月言士子不可一日廢學古所謂三日不讀書面目可憎語言無味王伯厚曰春秋二百四十二年之間諸侯築宗廟宮室臺榭門庭莫不書以學校見于六經者魯之類宮鄭之鄉校而已

揚之水

序閔無臣也

續序閔忽無忠臣良士終以死亡而作是詩也

揚之水不流束楚終鮮

上聲息反

兄弟維予與女

音汝下同

無

信人之言人實迂

音狂

女

興也揚之水解見王風流綏則浮沉而不去衛寡則依戀而不

忘二者皆有綢繆之意故以爲興左傳忽突爭國而子儀子亶更立至莊十四年忽與子亶子儀皆已死原繁謂厲公曰莊公之子猶有八人則不得謂之鮮詩所云兄弟謂僚友之同志者蒯相如之釋憾于庶類也曰秦之不敢加兵于趙者徒以吾兩人在也語意正與此詩相類迂誑也謂離間也呂伯恭曰無信人之言非徒教以不信人言也忽既微弱強公子復多其臣大抵懷二心而外市僅有一二人實心向

之者乃暗于情偽不知
所倚故提耳而告之

揚之水不流束薪終鮮兄弟維予二人無信人之言人

實不信

叶申 廷女則所欺者一人耳不信則欺人也多矣其誕妄也久矣今何爲而信之 何黃如

曰按鴈公突以少奪長其嗣位也非正然及其出奔諸侯尚有約會起兵而謀納之者忽實伯兄當立乃自其失位以至復國託于被弑外不聞有隣國之援內不聞有臣民之戴意其爲人必多猜喜忌于物無親者讀此詩可想見其大槩矣 嚴坦叔謂揚之水凡三皆微弱之比王風言平王不能令諸侯唐風言昭侯不制曲沃此篇言忽不能制欒臣

出其東門

序閔亂也

世間有一種不曉時務之人雖值亂離猶自炫飾啓禍招尤莫此爲甚詩人目擊心

傷諄諄以田夫野婦布衣得煖爲福告之卽古人富不如貧貴不如賤之意閔亂之悄恍然言表

出其東門有女如雲

丁元切又如字

雖則如雲匪我思存

從錄切又

如字

編

音

衣

音

綦

巾

音

聊

音

樂

音

我

音

負

音

元又音云上从口石

賦也如雲非

謂其多蓋形容衣服之華艷唐詩所云雲想衣裳也

舊謂被棄之女則不應侈以如雲或謂淫奔之婦又

不應引之自較編白色綦蒼色巾蒙首飾也編衣綦

中猶云荆釵布裙聊者且畧之詞亦自足之意毛

傳編衣白色男服綦中蒼色女服言室家相樂也

楊用修曰今之云字乃員之省文詩景員維河秦誓

雖則員然石鼓文君子員獵員獵員游

皆與云通也古有以云字作結者倣此

出其闔

音闔 因闔都

有女如荼

音徒

雖有如荼匪我思且

音徂 編

衣茹

音如 如慮

音閭 力於反

聊可與娛

音虞 門上之臺

茶茅秀物之輓 閨門外副城闔城

者如荼喻衣服之飄揚也且字與上存字對當作實字看釋文且音徂徂也與士曰既且且字同義思存者思而存于心思徂者謂思而欲向其人也如慮可以染巾觀東門之墀篇此草乃鄭東門所有言此者蓋卽田野所有以自潤色更不外求上言聊樂者自樂也此言與娛則夫婦同樂也能樂于此則不動心于彼矣 一云編衣衣之色如慮裳之色

野有蔓草

序思遇時也

謂感物懷人思時昔相遇之時也不期而會曰遇 李瞻草曰班荆並坐傾蓋

交歡古以邂逅締結者不少何所惡而以為男女相遇哉或謂胥臣遇冀缺于田中見其夫婦相餽如賓

深為投契
故賦此詩

野有蔓

音萬

草零露漙

音團

又

兮有美一人清揚婉兮邂

逅

音候

相遇適我願

叶

兮

興也

郊外曰野蔓草牽連纏綿之草漙多也草得露多則

枝葉鮮妍以與人遇勝友則神情悅豫有美一人自言其所思益意中實有其人非虛擬也清是目清明揚是眉疎秀婉順也言其眉目之間和順可掬也不期而遇曰邂逅適我願言與我所願交者適相合也詩人述當日相遇之情景如此至今思之也

野有蔓草零露漙

音漙

如

漙有美一人婉如清揚邂逅

相遇與子偕臧

濃濃露濃貌婉如清揚猶曰婉而清揚也偕臧兩人切磋之益此詩子太叔

以擬趙孟子蓋以擬韓起孔子以擬程本其非淫詩可知

漆洧

序刺亂也

男女無別互相調戲是謂之亂詩人之刺罪累上也竹書平王六年鄭遷于漆洧

漆與洧方渙

于元切

渙兮士與女方秉簡

古顏反

兮女曰觀

乎士曰既且

音且

七也切下同

往觀乎洧之外洵

平聲

訏且樂

音洛

維士與女伊其相諠贈之以勺藥

賦也漆洧水名解見褰裳渙渙水解

而水流之貌方者初起之詞士女游觀之士女非夫婦也東執蒲蘭也既且之且往也且往之且發語詞

洵信討大也言其地之廣維言更無他事伊其猶云
因而詭調戲也此詠民間士女同遊之事漆洧言

其地渙渙言其時士女言其人秉蘭言其事女曰觀
乎問之也士曰既且答之也且往觀乎士欲偕女同
往也此六句一意說下言我既往觀矣人言洧之樂
果然不謬何言乎其樂也維士與女互相調笑以芍
藥相贈豈可不樂芍藥草本生于春間于初夏一
名可離故古人用以贈別牡丹名木芍藥各自一種
後漢書薛注云鄭國之俗三月上巳桃花水下之
時至漆洧水上招魂返魄秉蘭草祓除不祥則鄭之
風俗從
來如此

漆與洧

音留

其清矣士與女殷其盈矣女曰觀乎士曰

既且

音祖

且

七下

同

切

往觀乎洧之外洵討且樂維士與女

伊其將譌贈之以勺藥

潮深也劉其清水深而清也殷
泉盈滿也人衆故充滿于漆浦

之上將相將也

鄒肇敏曰樂記鄭音好濫淫志益

土風化氣習氣化響五行莫不有淫氣八方莫不有

淫聲特鄭爲尤甚耳夫子惡亂雅樂惡其聲非惡其

詩也今鄭詩具在誰爲淫者無論緇衣之好賢羔裘

之思執政難鳴之勤生樂善與夫一切謀臣宗臣大

夫之諷諫爲不謬于無邪之志卽最讎狎如漆浦莊

士忍齒而讀不欲竟尼父顧有取焉見道民之路在

上所先使聞之者足以戒而已晦菴以論語有鄭聲

淫一句凡詩之婉媚者悉以淫繫之知有聲而不知

有詩亦可謂不善讀論語而近于諂矣朱鬱儀曰鄭

詩二十一篇始武莊終忽笑皆國事也其他亦多賢

人君子之辭而宋儒誤釋放鄭聲之語遂去小序盡

以淫奔目之夫詩非聲也聲非詩也措諸文辭爲詩

被諸管絃音律爲聲鄭聲淫故仲尼放之豈仲子有

女諸詩乎 崔仲鳧曰王栢欲刪鄭衛諸詩爲其淫也狀以序求之各有所指錄彙中可以知衛之亂錄漆洧可以知鄭之哀彼男女贈答之狎夫子必不錄也春秋壞君臣兄弟之倫鄭先之壞父子夫婦之倫衛先之衛錄錄衣而驗于定中鄭錄叔田而驗于東門春秋其綱詩其目也耶

齊

太公望之封地在青州岱山之陰濰淄之野初都營丘故城在今山東青州府昌樂縣東五十里傳六君至獻公徙治臨菑今青州臨菑縣北古齊城是也邾仲與曰五霸始鄭而齊繼之故次鄭季札觀樂於魯歌齊風札曰泱泱大風表東海者其太公乎今觀齊詩十一章強半荒淫之辭不知當時所歌者何詩而季札所贊者何意也卽一國而他國可知昔人謂左多誇誣其斯之謂與

雞鳴

序思賢妃也

續序哀公荒淫怠慢故陳賢妃貞女夙夜警戒相成之道焉公羊傳莊四年

齊哀公烹乎周哀公名不辰太公六世孫襄公九世祖也史世家亦言周烹哀公則哀公之荒淫怠慢可知矣朱鬱儀曰周史武王女適齊爲乙公夫人乙公生於公癸公之子爲哀公以荒淫誅此所謂賢妃者

其乙公之

王帳乎

雞既鳴矣朝既盈矣匪雞則鳴蒼蠅之聲

賦也大抵人君在深宮之

中耳不聞君子之箴規目不見卿大夫之風範所恃者全在內助此詩皆賢妃告君之詞書傳言夫人

御于君所太史奏雞鳴于階下夫人庭立君出朝世哀此告去少師奏賢明于陛下夫人庭立君出朝世哀此禮廢故夫人自告也朝謂會朝之臣盈滿也言朝臣俱列于朝堂也匪雞則鳴蒼蠅之聲蓋賢妃當夙興

之時心常恐晚故聞其似者而以爲真此賢妃疑其已遲之詞或曰蠅乃鷹字之誤月光猶似東方之明若蠅聲與雞聲無有似處特其不安于寢而悚惕于心者真有無聲而聽無形而視一段光景故凡疑似于妃之耳恍惚于妃之目者無不認以爲真也

東方明

音芒

矣朝既昌矣匪東方則明月出之光

毛傳昌盛也東

方明疑其爲日光不知乃月出之光賢妃章其尚早之詞也

蟲飛薨薨甘與子同夢

叶明

會且歸矣無庶予子憎

爾雅有足

謂之蟲無足謂之旁羽蟲三百六十種爲之長則鳥亦稱蟲此蟲飛薨薨非蟲旁之屬蓋羽族也薨薨衆也甘與子同夢此反語言蟲飛已薨薨矣尚可怡然與子同夢乎會朝會也無庶猶無無倒語也予子謂

吾與子言朝臣之會者且將歸矣可速起視朝庶予
與子不見惜于羣臣也唐士雉曰君未視朝臣固
不得遽入君雖不出臣亦不敢自散故朝盈朝昌極
是虛活而會且歸矣特其言自警切如此此皆賢妃
告君而借忠
于外臣之詞

還

序刺荒也

續序哀公好田從禽無厭遂成風俗習于
田獵謂之賢聞于馳逐謂之好焉從獸

無厭謂之荒言俗好獵不
言君從禽此風人之旨

子之還

音

從禽此風人之旨

音

奸从門从月門夜閉
見月是有間隙也俗从

非日

今並驅從兩肩兮揖我謂我儼

音

喧許

今

賦也子我
出獵者相

稱謂之詞之往也還昌茂皆地名見崔靈思集注遭
遇也猶山名驅馳馬並驅與所遇之人並驅從逐也
獸三歲爲肩揖馬上相逢而揖俛便利也詩意謂以
子捷才乃揖我而謂我俛則世無有過我者矣蓋自
矜其堂以氣陵之之詞詩人不加譏刺
直述其語而矜誇之習昭然言表矣

子之茂

莫後切

兮遭我乎狹之道

他口切

兮並驅從兩牡兮

揖我謂我好

於九切

兮

道路也爾雅一達謂之道有美無醜曰好

子之昌兮遭我乎狹之陽兮並驅從兩狼兮揖我謂我

臧兮

山南曰陽狼似犬銳頭白額高前廣後物之最
勇猛者臧善也臧與好取協韻耳無淺深也

著

序刺時也

續序時不親迎也三公迎后觀篇中所云著乃朝內之位至

禮惟天子不親迎使

于充耳瓊華乃公侯之服而

樂以爲刺流俗失其旨矣

俟我於著

音柱直居反

乎而充耳以素

叶緣租反

乎而尚之以瓊

華

叶數乎而

俟我於庭乎而充耳以青乎而尚之以瓊瑩

音英

乎而

俟我於堂乎而充耳以黃乎而尚之以瓊英

叶央

乎而

賦也不言不親迎而但言其俟我之處與其服飾之美而刺意自見俟待也我設爲嫁者之詞門屏之間謂之著卽宁也人君視朝所宁立之處俟我於著是不親迎也由著而庭自外而至內也大婚之禮衣冠

皆盛飾獨言充耳者舉一以繫其餘也充耳纁也懸之當耳故曰充耳素以素絲爲繩而懸之也所云素青黃者以三色錯雜爲之每章各舉一色也尚加也瓊華美石似玉者于素絲之末綴以瓊華所以飾觀爾雅木謂之華草謂之榮榮而不實者謂之英榮華英偕草木以形容玉色 呂伯恭曰昏禮壻往婦家親迎既奠雁御輪乃先歸俟于門外婦至壻揖婦以入及寢門揖入升自西階齊人既不親迎故但行婦至壻家之禮俟我于著此昏禮所謂壻俟于門外婦至壻揖婦以入之時也俟我于庭庭在大門之內寢門之外此昏禮所謂及寢門揖入之時也俟我于堂升階而後至堂此昏禮所謂升自西階之時也壻導婦入故於著於庭於堂每處皆俟之 愚味詩言俟我於著於庭於堂已明其不親迎矣而復于充耳瓊華再三詠嘆者何也衣服者禮儀之章表今合二姓之好以爲宗廟社稷主而廢親迎之禮則人倫道喪

雖端冕凝重如被衣冠于土隅益惜之也愧之也禮
天子不親迎此言堂宇矍鑠華非士大夫所得與則所
刺者益公侯也按春秋桓三年公子翬如齊逆女九
月齊侯送姜氏如謹公會齊侯于讎夫人姜氏至自
齊胡氏曰自親迎禮廢于是有父母兄弟越境而送
其女者以公子翬往迎則既輕矣會齊侯于讎是公
之行重在齊侯不在姜氏豈禮也哉
據此則詩之所刺未必非桓公也

東方之日

序刺哀也

東方之日兮彼姝

音

者予在我室兮在我室兮履

音

我

卽兮

東方之月兮彼姝者子在我闥

音達又他月反

兮在我闥兮履

我發

方月反

兮

興也姝美也室房也履足所依也草曰扉
韜麻曰屨皮曰履卽就也闥門也發曳履

而去也室在寢內闥在門內自室而闥自內而外也
日出而來月出而去非淫奔明矣朱康流曰東方
之日日之始升也履我卽相依而止也喻治道方盛
則賢者嚮風而至也東方之月月之始虧也履我發
相踵而去也喻治道將衰則賢者見幾而作也故序
謂之刺哀彼姝者子與干旄之詩所云彼姝相同

東方未明

序刺無節也

續序朝廷興居
無節號令不時

東方未明

叶

顛倒衣裳顛之倒之自公召之

賦也顛倒
倉皇急遽

之狀古者衣裳相連上曰衣下曰裳自從也羣臣之朝別色始入今東方未明已非辨色之時羣臣顛倒衣裳而朝人又從君所來召之令人應接不暇此卽召命一節而其他政令可知矣

東方未晞顛倒裳衣倒之顛

反與因

之自公令

力星反

之

晞日

之始升召謂招之至令謂使之行

折柳樊圃

音布

狂夫瞿

音句

瞿不能晨夜

叶樹

不夙則莫

音比

暮

也柳柔脆之木樊藩籬園菜園狂夫謂有心疾不知利害者瞿瞿驚顧之貌折柳樊圃狂夫猶瞿瞿然不敢輕犯况臣子承君之召令乎但恨不能測其晨夜不失之夙則失之莫耳詩人善則歸君過則歸已如此刺意具在言外蘇子曰曰哀亂之世旦暮不易何至未明而顛倒衣裳哉蓋爲政必有節及其節而

爲之則用少而事舉苟不知爲政之節則或失之早或失之暮不能及事之會矣以爲尚早者爲之常緩以爲已晚者爲之常遽緩者不意事之已至而遽者不知事之未及也

南山

序刺襄公也

篇中或刺文姜或刺魯桓總以襄公主惡也故首以襄公

公祿父之子魯桓公名軌又名允惠公弗湟之子文姜魯桓夫人齊僖公之女襄公親妹也按左傳桓十八年公與夫人姜氏如齊申繻諫而不聽姜氏至齊襄公通焉公譖之夫人譖公于齊侯齊侯怒與之飲酒使公子彭生拉幹而殺之

南山崔崔雄狐綏綏魯道有蕩

徒黨反

齊子由歸旣曰歸

止曷又懷

胡咸

止

此而賦也南山齊南山也崔崔高大貌喻國君勢位之尊嚴孤性最淫綏

綏毛威貌喻妖淫之氣充盈于外首以雉狐形起見齊有如此淫人宜遠而不宜近水經注鉅平縣故城東有魯道曰有蕩者言官路如弦行人共見齊子往來其間全無愧恥曰齊子者明非齊婦也婦人謂嫁曰歸由從也由歸謂初嫁時從此路而歸也懷懷齊襄也姜氏爲魯夫人不斥魯而一則曰齊子再則曰齊子以爲此齊襄妹也而淫于齊齊襄之罪無所逃于天地間矣篇中四曷又問其心而誅之

葛屨五兩

音冠綾

鞋雙

所終反

止魯道有蕩齊子庸止既

曰庸止曷又從止

複下曰爲禪韜下曰屨以葛爲屨周禮屨人注有縑屨黃屨黑屨白屨散

屨五等每屨皆二隻故曰五兩冠下結者謂纓纓之垂者謂綾雙綾所以系也物各有耦葛屨雖賤必兩

不以其多而可亂也冠綏雖貴必雙不以其少而可益也庸常也齊子常往來也從桓公從文姜也豐道生曰考之春秋文姜以桓三年歸魯至十四年其父僖公祿父卒禮諸侯之女適諸侯歲一歸寧則文姜自桓四年之後歸寧已十度詩之所謂庸也其不見于經者春秋常事不書耳夫文姜來齊既不止一次今父母既歿似亦可以已矣乃桓不之禁止而從之偕來何爲者哉曷又懷止曷又從止皆惡魯桓不能防閑之意言齊有如此淫人若使不歸安有此等黷倫之事蓋齊人不收斥言襄公而歸咎于魯所以刺襄公者愈深矣

蓺麻如之何衡

音橫

從

音宗

其畝取

音娶

妻

音同

如之何必告

音谷

下同

父母既曰告止曷又鞠止

音鞠

止

析薪如之何匪斧不克取妻如之何匪媒不得既曰得

止曷又極止

興也此二章追咎始合之不正 蕤手執而種之也東西曰衡南北曰從娶妻之禮議

于生者卜于死者謂之告克能也鞠窮也極亦窮也言此等極淫之婦千古無兩婦人以紡織執爨爲事故以蕤麻析薪起興言蕤麻可以用在畝中縱橫娶妻則必請父母之命析薪可以用斧截斷娶妻則必聽媒妁之言 考之左傳惠公生桓公而薨桓公母仲子亦以隱二年薨桓三年公會齊侯于贏成昏于齊也杜注曰不由媒介自與齊侯會而成昏非禮也桓姜之苟合如此故詩人追咎其初而反言之謂若使桓公父母在而告諸父母用媒妁以娶必擇嘉耦何至娶鄭昭厭棄之女以犯女禍乎深恨之詞 此詩四章刺文姜者一刺魯桓者三而于襄不加之罪豈詩乃齊人所作爲尊者諱不便察察言之耶序則後

賢之筆直以襄爲首惡矣胡康侯曰爲亂者文姜而春秋歸罪桓公治其本也錢氏天錫曰魯桓弑兄自立有畏心焉結昏于齊歸田于鄭成亂于宋樹三強以自固尤屬望者齊耳齊襄恃強以行淫文姜挾齊以縱欲桓之不能制妻以齊之勢重也襄之敢于淫其妹以桓之中怯也孰知桓之見弑于襄而襄亦見弑于無知哉呂伯恭曰國君夫人父母死則使大夫歸寧于兄弟禮也姑姊妹已嫁而反兄弟弗與同席亦禮也是二禮者人不過以爲別嫌明微耳非有大利害也及魯桓文姜犯此禮以如齊轉盼而罹拉幹之禍身死異國爲天下笑人其可以斯須去禮耶

甫田

序大夫刺襄公也

續序無禮義而求大功不修德而求諸侯志大心勞所以求者非其

道也

無田

音佃

甫田

如字又叶陳田人一韻驕切一韻下同

維莠

音酉

驕驕

音高

無思

遠人

叶然又如字

勞心

忉忉

音力也甫田之田上地也甫大也

比也此無田之田墾耕

草之似苗者驕驕茂盛貌遠人諸侯也忉忉憂勞也耕大田而力不給則莠盛思遠人而不能致則心勞是豈甫田不可田遠人不可思哉求之非其道則不可忽近以求遠也

無田

甫田

維莠

桀桀

音結

無思

遠人

勞心

怛怛

音鐵

桀桀

音桀

出也怛怛

驚懼也

婉兮

嬋嬋

龍脊反

又叶

兮

總角

卅

卅石經作卅古縣反又叶

嬋

非見

句

四句一韻又嬋

非

見

四句一韻又嬋

非

見

四句一韻又嬋

非

見

四句一韻又嬋

非

爲一韻見
弁爲一韻

兮未幾見兮突而弁兮

婉孌少好貌總角男
女未冠笄者聚其髮

爲兩角卅字象其形忽然相見爲突弁皮弁也
康流曰襄公討鄭而殺子亹代衛而納惠公侵紀而
滅其國乃兄弟之間弗能防以至篡弑此忽近圖遠
之明據末章語意隱然指公孫無知也襄公之絀無
知以其弱也故弗之忌詩言弱者忽已壯矣奈何弗
覺也
呂伯恭曰由其道而循其序則小者俄而大
後者俄而著厥德修罔覺非計功求獲者所能與也
先哲謂甫田悟進學衡門悟處世可謂善讀詩者矣
楊用修曰周官有卅人卅者金未成
器也童子未成人故借作童卅之卅

盧令

序刺荒也

國語桓公謂管仲曰昔我先君襄公田獵
畢弋不聽國政則此爲襄公明矣玩詩辭

是從獸之徒割鮮飲醇相與懽笑之語舉國若狂其不修民事可知故詩人述之以刺

盧令

音零

令其人美且仁

賦也犬有守犬有田犬處田犬也令令犬領下環聲下章言處

重環盧重鐻首以令令統之蓋盧領下有係環有係重鐻者而環鐻相戛之聲則一故首言盧令全蓋未見其形先聞其聲也其人謂襄公以人與犬並言其人可知矣美以應度言仁自由獵上見從狩必俱領禽必均與人同樂不以尊卑形跡表異所謂仁也

盧重

音平聲

環其人美且鬢

音權環也鬢好曰鬢重環子母

盧重

音梅

鐻其人美且偲

音腮鐻謂一大環貫二小環也鬢好曰偲美且鬢美且偲非

獨人好鬢

髮俱妙

敝筭

序刺文姜也

續序齊人惡魯桓微弱不能防閑文姜使至淫亂爲二國患焉嚴坦叔曰此

詩魯桓身後所作故序直言刺文姜按春秋文姜以桓三年歸魯中間無如齊之事至十八年桓公會齊

侯于樂潛遂與文姜如齊齊侯迎于文姜使彭生殺

桓公于車詩人刺不能防閑正爲此也今詩言齊于

歸止其從如雲不言桓公同往是指桓公身後文姜

獨如齊之事自莊二年夫人姜氏會齊侯于糕醕四

年享齊侯于祝丘五年如齊師七年會防又會穀

皆桓公身後也故序曰刺文姜集傳又爲刺莊公

敝筭

音

在梁其魚

音

鮒

音

鮒

音

鮒

音

鮒

音

鮒

音

鮒

聲如雲

丁元切又如字見周南汝墳

鮒

鮒

鮒

鮒

鮒

鮒

鮒

鮒

鮒

鮒

鮒

鮒

叢子謂衛人得鰥其大盈車入筍之魚必無盈車之
理要之詩人意不在此曰敝筍在梁其魚魴鰥筍之
守魚猶禮之守國也敝敗也敝筍尚可制魚莊公微
弱不能防閑其母按婦有三從在家從父出嫁從夫
夫死從子可見莊公有防母之禮在若謂母難以勢
禁則左右婢妾宜唯命是從者乃如雲如雨是誰之
過與姜氏魯夫人也齊襄之親妹而通于齊襄故
不稱魯而稱齊所以深著其罪婉而當微而著矣

敝筍在梁其魚魴鰥

音齊

子歸止其從如雨

魴鰥也大頭細鱗

敝筍在梁其魚唯

音委又音偉

唯齊子歸止其從如水

唯唯魚行

相隨之貌每章末句言舉國若狂全無羞恥如雲象
其簇擁如雨象其連綿如水象其奔注雲生而成雨
雨降而成水立
言之序如此

戰驅

序齊人刺襄公也

國人刺君乃是常事諸序未有舉其國之名者此獨言齊人明襄公

淫亂雖本國臣氏不能爲尊親譴矣

載驅薄

音薄簟

恬上聲

弗

弗音

朱

音鄒

振

魯道

有蕩

齊子

發夕

音

科

薄

簟

弗

朱

鄒

振

魯

道

反賦也薄薄車行疾奔之聲簟竹篩車蔽曰弗簟

弗者以竹篩爲車之蔽也皮去其毛曰鄒以鄒斃車

所以爲固漆之以朱所以爲飾魯道有蕩解見南山

發夕謂薄基起行不能待旦也朱康流曰采芑韓

奕稱方叔韓侯之車曰簟弗碩人稱夫人之車曰翟

弗陳祥道曰此男子婦人車蔽之別也以鄒斃車漆

之以朱傳謂是諸侯之路車此言簟弗朱鄒其爲襄

公之車可知此旣疾驅彼亦夕發言襄公與文姜相

期之切也故

序曰刺襄公

四驪

平聲

濟聲

垂轡

彌

音你乃禮反

彌魯道有蕩齊子豈

音

弟

叶儿

驪馬黑色所謂鐵驪也

濟美貌

彌彌

也

濟濟美貌

彌彌

也

濟濟美貌

彌彌

汶水

音

湯湯

音

行人彭

叶

彭魯道

有蕩齊子

翱翔

汶水

出今

泰安州萊蕪縣自魯至濟必渡汶水湯湯大也行人泛指行道之人彭彭多也翱翔肆行無忌之貌

汶水

滔滔

行人

鵩

音

鵩魯道

有蕩齊子

遊敖

治治疾

流

疾

趨貌遊敖猶翱翔也嚴坦叔曰此詩首二章每章四句舊以上二句言襄公下二句言文姜詞意斷續

今以四句並言文姜文意方貫車聲之疾駸駸也車師之美眩衆目也道路坦夷行人雖吝非隱處也

惟弟翔翔遊敖無恥甚也 水經注汶水南
遼鉅平縣故城東今汶上夾水有文姜臺

猗嗟

序刺魯莊公也

續序齊人傷魯莊公有威儀技藝而不能防閑其母失人子之道 莊公

名同桓公于春秋莊四年冬公及齊人狩于郕公羊傳公曷爲與微者狩齊侯也齊侯則其稱人何諱與微狩也穀梁傳齊人者齊侯也其曰人何也卑公之敵所以卑公也何爲卑公也不復讐而怨不釋刺釋怨也此詩即狩郕時事部

音告左氏作糕齊地名

猗嗟昌兮

音祈又與懇同

而長兮抑若揚兮美目揚兮巧趨

蹌

音鋤七反

兮射則臧兮

賦也猗嗟嘆聲贊美莊公而以猗嗟發端便寓感慨

昌日光也

言公之光彩如日之暎射也人若委瑣便無儀可觀故先言其體貌集韻頤頭佳貌長以身言若猶而也揚以容止言抑若揚謂卑遜而發揚也人心慧則日多彩美目揚謂目之光彩射人趨疾行也行動曰踰玩巧字非徒本質令善亦工染作益升階降階就位復位之時揖遜有度也射賓射諸侯相朝則射謂之賓射藏善也虛贊其美下所云不出正射則贊乃藏之實詩言莊公威儀技藝之美無一欠闕所不足者蓋有在矣晉樂廣云凡論人必先言其所長則所短不言自見人之美惡以目為主故篇中疊言美目

猗嗟名兮美目清兮儀既成兮終日射

食亦反

侯不出正

音征兮展我甥兮

楊用修曰名玉篇引此篇作顙眉目之間也清言精神不昏昧儀威儀成猶備

也應接愈繁儀文愈密到終事而猶無違謂之成終日言其久侯射布也正爲侯之的畫布曰正棲皮曰

鵠正鵠鳥之捷點者射之難中以中爲俊故畫之于
侯不出正者發必中的也姊妹之子曰甥展誠也是
誠我之甥也蓋嗤笑之語按春秋桓六年九月丁卯
于同生卽莊公也穀梁傳疑故志之注謂莊公母淫
于齊襄疑非公之子也桓十八年公與夫人姜氏如
齊齊侯通焉公羊傳夫人譖公于齊侯公曰同非吾
子齊侯之子也齊侯怒拉幹而殺之蓋姜之通于襄
發覺于十八年而其事非一日矣公謂齊侯之子益
實有所見也詩人曰展我甥有二義若曰斯人也真
吾之甥而人以爲齊侯之子也又不以我爲讐而舅
氏事我真我之甥也若親若愛似
狎似侮嘻笑之言甚于怒罵矣

猗嗟變

音變

兮清揚婉

音怨

兮舞則選

去聲

兮射則貫

音慣

兮四

矢反

半絢反

兮以禦

上聲


亂兮

變順也射禮告成賓主惟洽情意藹然可親如此清揚總

上美目清美目揚言之婉者和順之意婉然于眉目
間也舞非樂舞古人酒酣嘗起舞以相屬遊謂高子
倫等贊謂力能中草四矢象有事于四方反復也每
射四矢皆復故處也始云射則臧槩言其射之善次
章本章乃詳言之不出正言其中射則贊言其力四
矢反言其巧以此貫革之能復中之巧足以禦亂而
不尋諸仇讐徒逞其傑捷亦足醜矣數則字亦是微
詞此詩句句稱美句句有不滿之意謝君直曰通
章言魯莊威儀技藝之美而以猗嗟發端一章射則
臧言技則善矣德未可知也可惜也二章展我甥言
莊公齊國之甥人乃以爲齊侯之子可惜也三章以
禦亂言射可禦亂文姜淫亂而無禮以禦之尤可惜
也南山載驅刺齊襄公刺文姜猗嗟刺魯莊四
詩篇次自應聯屬中間何得間以甫田盧令固知詩
多錯簡此其最易見者按魯桓拉宵之禍莊年十
三亦非童穉無知時也襍之狩則年十七矣詩稱其

射不出正亦非孱弱不克自立者乃抑揚趨蹌以俟
讐人之顏色何爲者無知之難齊國內亂乘釁而動
亦未爲茂喪也乃復擁戴子糾以延讐人之作喪其
戎路而不惜長勺之戰曹劌亦可與謀者枕戈待旦
不忘襄之殺而父豈不可以一戰而終其身不以金
僕姑相加還何也至于觀社納幣丹楹刻桷百方以
媚讐人之女此時姜氏之薨已四年莊公年已三十
六矣縱有婚姻之約獨不可以亂命拒之乎而急急
焉欣欣焉若舍斯人將終身無婦者序謂莊公不能
以禮防閑其母不知莊之罪全在忘親事讐蒙面納
婦曾不如承之人立而啼也或謂趙氏制其僕從
之說可行乎曰不能也昔崔仲息曰桓公死季友之
祥慶父之才皆可君魯也齊襄立莊以示德莊公指
魯以自固文姜快宗國以愚其子箱其下彼邪淫之
迷不惜其夫之弑何有于其子之廢故狩禚圍郕伐
衛歸俘待齊女之長主王姬之昏僕僕焉甘從于齊

益震公之威重矣文姜之術狡矣尚何僕從之制乎
陳大士曰是惟斷之以義而裁其恩彼可爲母也者
吾得而母之彼不自以爲母也者吾不得而母之名
正而後姜氏與齊襄俱內自慚而不敢挾名以責實
此亦制之
大權也附錄



待軒詩記卷二